

摘藻堂四庫全書薈要

史部

欽定四庫全書薈要

史部

御批通鑑綱目卷四十二下

詳校官編修臣汪鏞

欽定四庫全書薈要卷七千三百五十七

史部

御批資治通鑑綱目卷四十一下

甲申 中宗皇帝嗣聖元年 二月睿宗文明元年九月太后光宅元年 考異 按統系例

申墓賊謂篡位干統而不及傳世者注云如漢之呂后  
武后據漢呂后稱制每歲首分注高皇后呂  
年此當分注太后武氏光宅元  
年後凡分注年號皆當作太后武氏

書法

於是太后以二月廢帝立睿宗改元文明九  
月太后改元光宅不紀光宅黜武氏也曷為

不以文明大書不與武氏之得廢立也故  
從唐鑑以嗣聖紀年而每歲書帝在某州

發明

昔范公祖禹脩通鑑分職唐史著為唐鑑一  
書取法春秋黜武氏之號繫嗣聖之年而通

鑑則本之唐史列武氏於本紀即以光宅紀元自後盡用武氏之號今綱目止以嗣聖紀年終武氏世是雖與范氏相出入要亦求其是而已夫中宗國之正統武氏無故廢之甚至革命易姓無異莽操所為然天下猶唐之天下武氏安得而絕之綱目繫嗣聖而黜光宅所以扶三綱立人極示天下以正大之義使後世賊亂之徒無以自立於天下爾或曰呂后制朝何不繫惠帝之年曰惠帝既沒固無年之可紀况呂后又取他人子名為惠帝子而立之故綱目但以兩行分注紀呂氏之年已足見其非正統之意固不得與中宗尚在者為比而得以繫嗣聖之號也

春正月立妃韋氏為皇后○以韋弘敏同三品○二月

太后廢帝為廬陵王立豫王旦考異

按統系例注篡賊事亦連書但每歲

首及有異事處一加其名據王莽歲首事冠其名下無異事連書者不冠以名此當書太后武氏廢帝而其下以馮元常為驩州刺史在溫州大水葬乾陵之下改元及服色官名在括州大水之下殺侍中裴炎在李孝逸擊李敬業之下以崔營韋方質同平章事在李景謏罷郭待舉罷之下事各冠以武氏而削太后二字餘無異事者並不必加武氏字後並倣此庶幾與凡例不相戾也

中宗欲以后父韋玄貞為侍中裴炎固爭中宗怒曰我以天下與韋玄貞何不可而惜侍中邪炎懼白太后密謀廢立太后集百官於乾元殿勅兵宣令廢中宗為廬陵王中宗曰我何罪太后曰汝欲以天下與韋玄貞何得無罪乃幽於別所立豫王旦為皇帝妃劉氏為皇后永平王成器為太子廢太孫重照為庶人改元文明旦居別殿不得有所預政事皆決於太后有飛騎十餘人飲於坊曲一人言晷知別無勲賞

不若奉廬陵一人起告之座未散皆捕繫羽林微言者斬餘皆絞告者除五品官告密之端自此興矣胡氏曰世觀中宗之廢者往往歸咎武氏而不知事起裴炎也炎但知玄貞與政必與已分權不若倚后為重而不為唐室遠慮以啓革命屠戮之禍罪不止於廢君而已也

**集覽**坊曲街坊巷里曲者里之一曲如韋曲杜曲也東京夢華錄東京平康巷一曰平康里自城北門而入東回三曲妓樂所質實廬陵縣名注見漢獻帝建安三年豫王旦豫州名注見漢光武建武十九年汝南旦高宗第八子永平王成器永平縣名隋初所置屬始安郡唐因之宋開寶中省入平樂縣故址在平樂府城東北成器睿宗長子

# 書法

不書迎旦入即位何據漢諸帝不予武氏之得廢立也故自是帝書帝旦書豫王旦是禍

也裴炎

激之

發明

裴炎白太后而謀廢立然綱目止歸惡太后者何也武氏包藏禍心竊窺神器已非一日

縱使裴炎不為此謀中宗亦必無久安之理故綱目深探本情直書太后而不及裴炎者亦所以原其實也

# 太后以劉仁軌為西京留守

仁軌上疏辭以衰老不堪居守因陳呂后質實璽書注見

漢光武建武三年呂后禍敗之事詳見漢高后八年

發明

綱目凡統繫於一者直書以某人為某官是時中宗既廢雖立豫王其實國政初無所預

故每事必揭太后於上明天下事制於太后也然  
不黜之者社稷猶繫乎唐而武氏猶為唐之太后  
故也至他日革命則非矣  
綱目亦豈輕於絕人哉

太后始御紫宸殿質實

紫宸殿注見憲宗  
元和十四年宣政

太后御武成殿皇帝帥王公以下上尊號  
自是太后常御紫宸殿施黻紫帳以視朝

書法

曷為不書臨朝臨朝常辭也  
書御紫宸殿則儼然帝矣

太后以王德真為侍中劉禕之同三品○三月太后殺  
故太子賢

初太后命將軍丘神勣詣巴州檢校故太子賢宅以  
備外虞風使殺之至是神勣逼賢自殺太后乃歸罪



神勳貶之而追封賢為雍王  
尋復以神勳為金吾將軍

質實

巴州注見梁武帝  
天監四年雍縣名

注見周顯

王八年

夏四月太后遷帝於房州又遷於均州質實

房州注見  
漢獻帝建

安二十四年房陵均州注

見晉元帝建武元年武當

○閏五月太后以武承嗣同

三品○秋七月溫州大水質實

溫州注見漢惠  
帝三年東甌

流四千

餘家

八月葬乾陵質實

一統志云乾陵在西安府乾州  
西北五里梁山與武后合葬

○太

后以馮元常為隴州刺史

初尚書左丞馮元常為高宗所委常密言中宮威權太重宜稍抑損高宗不能用及太后稱制四方爭言符瑞嵩陽獻瑞石元常奏言狀涉諂詐不可誣罔天下太后不悅出之

質實

隴州注見漢光武建

武六年汧馮元常安陽人嵩陽縣名注見隋煬帝大業十三年

# 武承嗣罷○括州大水

流二千

餘家

## 書法

大水何陰盛之徵也太后始為昭儀則書萬年宮大水繼書恒州大水為皇后則書括州

海溢至是御殿則書溫州大水括州大水然則武氏禍水也土之不勝有自來矣綱目屢書不一書

所以示後世戒也

# 九月太后改元及服色官名

太后改元光宅旗幟皆從金色八品服碧東都為神都尚書省為文昌臺僕射為左右相六曹為天地四時六官門下省為鸞臺中書省為鳳閣侍中為納言中書令為內史御史臺分為左右肅政臺其餘悉以義類改之質實神都注見秦莊襄王元年三川

## 書法

旗幟從金色耳書改服色何誅意也金土子也其欲代唐之意昭昭矣

## 太后立武氏七廟

武承嗣請追王其祖立武氏七廟太后從之裴炎諫曰太后母臨天下當示至公不可私於所親獨不見呂氏之敗乎太后曰呂氏以權委生者故敗今吾追尊亡者何傷乎對曰事當防微杜漸不可長耳太后

不從追尊五代祖為公妣為夫人高曾祖考為王妣皆為妃胡氏曰哀哉裴炎之愚也人主一言之失即勸女主廢之而戒以防微杜質實七廟注見楚漸事尚有微漸於廢君者乎義帝元年

### 書法

追贈其祖可也為之立廟亦可也而必七焉則已帝制矣綱目別嫌明微故謹書之

## 英公李敬業起兵揚州太后遣將軍李孝逸擊之

時諸武用事唐宗室人人自危衆心憤惋會柳州司馬英公李敬業及弟敬猷唐之奇駱賓王杜求仁魏思溫皆失職怨望乃謀起兵遂矯詔殺揚州長史開府庫赦囚徒旬日間得勝兵十餘萬復稱嗣聖元年敬業自稱匡復上將復求得貌類濮王賢者置之軍中云賢不死逃至此令其舉兵移檄州縣畧曰偽臨朝武氏者人非溫順地實寒微昔充太宗下陳嘗以更衣入侍洎乎晚節穢亂春宮密隱先帝之私陰圖

後庭之嬖踐元后於翬翟陷吾君於聚麀殺姊屠兄  
弑君鴆母人神之所同嫉天地之所不容包藏禍心  
竊窺神器君之愛子幽之於別宮賊之宗盟委之以  
重任一抔之土未乾六尺之孤何在太后見之問誰  
所為或對曰駱賓王太后曰宰相之過也人有如此  
才而使之流落不偶乎遣左玉鈐衛大將軍李孝逸  
將兵三十萬以討敬業追削其**集覽**太宗下陳以武  
祖考官爵發冢斲棺復姓徐氏后嘗充太宗才  
人故曰太宗下陳李斯傳飾後宮充下陳索隱曰下  
陳猶後列也晏子云有二女願得入身於下陳是也  
楚辭班婕妤自悼賦登薄軀於宮闈兮充下陳於後  
庭穢亂春宮職林太子故事東宮謂之春宮先高宗  
為太子時入侍太宗見武氏而悅之故曰穢亂春宮  
翬翟注見陳宣帝太建八年律翬聚麀記父子聚麀  
注聚共也牝鹿曰**質實**柳州按一統志本秦桂林郡  
麀不偶猶言不遇

桂林郡後又析置馬平郡梁大同間兼置龍州治龍江南隋開皇中廢郡徙州治江北尋廢以馬平縣置象州大業初州廢以其地屬始安郡唐為昆州治馬平縣尋改南昆州貞觀中始改柳州屬嶺南道天寶初改龍城郡乾元初復為柳州光化後為楚馬氏所據五代時屬南漢宋仍為柳州屬廣南西路咸淳初徙治柳城縣之龍江元至元中改置柳州路本朝改為柳州府徙治馬平縣隸廣西道李敬業曹州離狐人勳之孫揚州注見漢武帝元朔五年淮南

書法

書起兵何惡武氏也故敬業書爵而孝逸止書擊其殺之不書誅

發明

廢君天下之大惡人神之所同憤天下有能討之者討之可也敬業為是舉兵其名正矣

然曷不書討敬業等本以失職怨望非真有討亂之心故書爵書起兵姑即此以正武氏之罪而非

以是予敬業也使其果能以興復  
為心奮不顧身則必以討書之矣

# 太后殺侍中裴炎以騫味道為內史李景謏同平章事

武承嗣與從父弟三思以韓王元嘉魯王靈夔屬尊  
位重屢勸太后因事誅之太后謀於執政裴炎固爭  
及李敬業舉兵太后問計於炎對曰皇帝年長不親  
政事故豎子得以為辭若太后反政則不討自平矣  
承嗣因使監察御史崔營言炎有異圖太后命左肅  
政大夫騫味道鞫之鳳閣舍人李景謏證炎必反劉  
景先胡元範明其不反遂并下獄以騫味道檢校內  
史李景謏平章事斬裴炎于都亭籍沒其家無甌石  
之儲景先等流貶有差炎弟子太僕寺丞仇先年十  
七上封事求見曰陛下為李氏婦先帝棄天下遽攬  
朝政變易嗣子踈斥李氏封崇諸武伯父忠於社稷  
反誣以罪戮及子孫陛下所為如是臣實惜之陛下

早宜復子明辟高枕深居則宗族可全不然天下一  
變不可復救矣太后怒命於朝堂杖而流之炎之下  
獄也即將姜嗣宗使至長安劉仁軌問以東都事嗣  
宗曰嗣宗覺裴炎有異於常久矣嗣宗還仁軌附表  
言嗣宗知裴炎反不言太后殺之胡氏曰能權輕重  
然後可以當國家之大事韋玄貞為侍中雖曰外戚  
然有長孫無忌前例亦未遽至擅權而亂國也中宗  
雖下愚炎與玄貞及劉仁軌劉祿之之徒左提右挈  
雖排太后不預外事可也然炎既自黨於太  
后又欲使之歸政睿宗以收公議其將能乎

**集覽**

先

仙讀與曹同復子明辟注見漢孺子嬰初始元年長  
孫無忌前例無忌亦外戚也高宗時許敬宗誣以謀  
反削爵置

**質實**

韓王元嘉韓州名注見高祖武德八  
年元嘉高祖之子魯王靈夔魯郡名

于黔州卒  
注見漢獻帝興平二年靈夔高祖之子廐石之儲注  
見漢桓帝延熹五年家無擔石社稷注見新莽天鳳



元年長安縣名注  
見漢惠帝五年

書法

裴炎何首廢君之禍者也曷為不書誅武氏固廢君者夫安得而誅之然則書官何炎始

自侍中遷中書令未幾日耳其私心固不欲立貞之得其處也故力爭之遂激廢立之禍及敬業兵起始請歸政豫王以收公議由是忤旨綱目書殺以罪太后而炎則黜官而特書侍中以追罪其始者一念之私故雖此時已改侍中為納言不書納言書侍中綱目之旨微而顯矣

發明

裴炎首發廢君之禍蓋正其誅然而書殺書爵者武氏殺之故也

李敬業取潤州李孝逸擊殺之

初魏思溫說李敬業曰明公以匡復為辭宜帥大衆鼓行而進直指洛陽則天下知公志在勤王四面響

應矣薛仲璋曰金陵有王氣且大江天險足以為固不如先取常潤為定霸之基然後北向以圖中原進無不利退有所歸此良策也思溫曰山東豪傑以武氏專制憤惋不平聞公舉事皆蒸麥為糧伸鋤為兵以俟南軍之至不乘此勢以立大功乃更蓄縮欲自謀巢穴遠近聞之其誰不解體敬業不從將兵攻潤州思溫謂杜求仁曰兵勢合則彊分則弱敬業不并力度淮收山東之眾以取洛陽敗在眼中矣敬業遂行取潤州聞李孝逸將至回軍拒之屯下阿溪使敬猷逼淮陰韋超屯都梁山孝逸軍至臨淮戰不利監軍御史魏元忠曰天下安危在茲一舉今大軍久留不進萬一朝廷更命他將以代將軍將軍何辭以逃逗撓之罪乎孝逸乃引軍而前元忠請先擊敬猷諸將曰不如先攻敬業敬業敗則敬猷不戰自擒矣若擊敬猷敬業救之是腹背受敵也元忠曰不然賊兵盡在下阿烏合而來利在一決敬猷不習軍事其眾

單弱大軍臨之駐馬可克我克敬猷垂勝而進雖有韓白不能當其鋒矣孝逸從之引兵擊敬猷敬猷走敬業勒兵阻溪拒守元忠言於孝逸曰風順荻乾此火攻之利敬業置陳既久士卒多疲倦陳不能整孝逸進擊之因風縱火敬業大敗輕騎走將入海孝逸追之其將王那相斬敬業等首來降餘黨皆捕得傳首神都陳嶽論曰敬業苟能用魏思溫之策直指河洛專以匡復為事縱軍敗身戮亦忠義在焉而妄希金陵王氣是真為叛逆不敗何待胡氏曰元忠智謀誠可為世用而不知所以自用用於女主之朝可謂不待價而沽者也其言曰天下安危係此一舉使敬業而敗則武后愈安何係於唐室然則將不令孝逸拒之乎曰君子見幾而作不俟終日元忠誠有遠見宏畧者永淳弘道之間自晦而去上也至是鋒穎已見難乎其卷而懷之矣然位未高而寵祿集覽都梁淺有道以遠迹猶賢乎知進而不知退也

見隋煬帝大業十年逗撓注見漢武帝元光二年下  
阿注見晉孝武帝太元四年三阿韓白漢韓信秦白  
起皆良質實洛陽縣名注見周顯王三年勤王注見  
將也漢獻帝建安元年金陵郡名注同上興  
平二年常潤二州名常注見隋煬帝大業十二年潤  
注見晉成帝咸和三年京口淮水名注見漢後主建  
興二年淮陰縣名注見漢獻帝建安元年都梁山按  
一統志在鳳陽府盱眙縣東南五十里山廣袤甚遠  
隋建都梁宮於此山產都梁香草故名  
臨淮郡名注見新莽天鳳五年

### 書法

書取潤州何志敬業所以敗也敬業本起揚州  
并兵度淮直指洛陽易耳乃反南圖常潤義氣

索然矣有  
不敗乎

### 發明

敬業既以興復為詞自宜直指河洛而乃妄  
希王氣故綱目先書取潤州以定其罪繼書

擊殺以正其死也雖然敬業是時已追削官爵復姓徐氏故唐史及通鑑皆以徐敬業稱之今綱目止書李敬業者李勣受姓於唐武氏廢君之賊不得而易之也綱目之立法如此孰謂其徒史而已乎

李景謏罷太后以崔咎同平章事○郭待舉罷太后以

韋方質同平章事○太后殺單于道安撫大使程務挺

初裴炎下獄務挺密表申理至是或譖務挺與炎及敬業通謀太后遣使即軍中斬之突厥宴飲相慶太后以王方翼與務挺相善流崖州而死質實崖州注見漢武帝元鼎六年珠崖

乙酉二年太后垂拱元年春正月帝在均州

書法

每歲首必書帝所在存正統也

發明

昔季氏逐其君春秋每歲必書公所在今武氏既廢中宗然綱目猶書帝者不予武氏之

廢也每歲必書帝之所在者本春秋之法也或曰前已書太后廢帝為廬陵王立豫王旦矣今此所謂帝者得非豫王耶曰非也何以知之以下書歸政豫王旦知之也夫書法之嚴本諸春秋固已明白至於書帝所在或恐疑為豫王故不得不為之辯以告後之君子○丘濬曰按唐史臣沈既濟謂魯昭公之出春秋書其居曰公在乾侯君雖失位不敢廢也每歲之首必書中宗所居紀稱中宗而事述武后范祖禹作唐鑑非唐書列武后於本紀故繫嗣聖之年黜武后之號綱目本此二說於每歲甲子下大書嗣聖之年分註武氏年號於其下終武后世每歲書帝所在而武氏行事則以太后

書之可謂萬世之高見矣說者謂天無二日民無二王一國不容有兩號武氏既革唐為周有周則無唐無唐則無帝矣同一疆域也同一時世也而帝與周同書豈得無窒礙乎且是時武后既廢中宗立睿宗睿宗雖擁虛器武后未嘗明廢之也書帝在某處而不著其名則混而無辨矣况魯昭公乃列國之君是時未有年號昭公雖次於外季氏專國猶虛其位以待之不取別有所立也中宗即位僅一月即立豫王為皇帝改元文明矣曾未幾時武氏自御正朝行人君事至于九月又改元光宅焉明年又有垂拱之紀則是中宗既廢之後別立君矣屢改元矣所謂嗣聖之號僅有再閱月之稱若仍以其年次第書之則是假辭以立義非紀實也史綱於國中書唐字而於其下分書武氏之年以見是時天下雖專制於武氏而實唐之天下雖曰唐之天下而所以專制之者實武氏也及乎

每年帝在之書必著其名而使人不疑中宗於睿宗如此則義得其正事不沒其實賊后之罪既得以暴著於天下君臣之義又得以昭明於後世云

○二月太后以武承嗣裴居道韋思謙同三品質實

韋思

諫陽武人

○三月太后遷帝于房州○沈君亮崔譽武承嗣

罷○太后頒垂拱格○太后貶騫味道為青州刺史

朝士有左遷詣宰相自訴者味道曰此太后處分禕之曰由臣下奏請太后聞之謂侍臣曰君臣同體豈得歸惡於君引善質實

青州注見漢桓帝永康元年左遷注見漢宣帝元康二年

夏五月太后以裴居道為內史流王德真於象州以蘇



良嗣為納言質實

象州注見高宗顯慶二年

○太后制百官及百姓

皆得自舉

胡氏曰女而自媒求貞女者賤之士而自薦求良士者輕之武后之詔不足論矣而陸宣公通達治體者也乃引以為美談曰當時有得人之稱累朝賴多士之用何也此為德宗猜忌而發非古今之通誼也誠使宰相得人內外長官皆稱其任各舉所知陸寧憂乏才何必開銜鬻之門消廉耻之道乎  
公德宗時陸贄銜鬻廣韻注自銜鬻自媒也  
集覽宣

書法

書譏也苟欲干譽而廉耻之道自此盡矣

六月太后以韋待價同三品○秋七月太后以魏玄同

同三品○太后以阿史那元慶為興昔亡可汗○太后以僧懷義為白馬寺主

懷義得幸於太后太后以為白馬寺主出入乘御馬朝貴皆匍匐禮謁武承嗣三思皆執僮僕之禮以事之懷義多聚無賴少年度為僧縱橫犯法人莫敢言御史馮思勗屢以法繩之懷義遇諸塗令從者毆之幾死太后託言懷義有巧思使入宮營造補闕王求禮表請闕之庶不亂宮闈表寢不出集覽巧思機巧智思也闕之加質實白馬寺按一統志在河南以宮刑令為閹宦也府城東漢明帝時摩騰竺法蘭始自西域以白馬馱經來初止鴻臚寺遂取寺為名創置白馬寺即僧寺之始也周安司注見齊主寶卷永元元年縱橫注見周安王十五年王求禮許州人

書法

寺主耳書太后以何醜之也  
自是懷義凡三書太后以

發明

一僧一寺主何必書之  
所以著武氏之惡爾

丙戌三年太后垂拱二年春正月帝在房州○太后歸政于豫王

旦尋復稱制

太后詔復政事于皇帝睿宗知太后  
非誠心奉表固讓太后復臨朝稱制

書法

晉褚太后嘗歸政矣後再臨朝不書復此書  
復稱制何誅心也於是豫王知非誠心奉表

固讓太后乃復稱制不書固讓書尋復稱制綱目  
所以誅其心也終綱目書太后歸政四詳漢桓帝

和平元年其書

尋復稱一而已

發明

前已書立豫王旦則是豫王已為帝矣故唐史及通鑑皆以皇帝稱之然綱目止書豫王

旦者不予武氏之偽立也不然每歲既書帝之所在而又以豫王為帝則名實亂而無別矣

二月朔日食○太后以李孝逸為施州刺史質實

施州按一

統志本春秋時巴國之界戰國為楚巫郡地秦屬黔中郡漢屬南郡三國吳及晉屬建平郡後周於此置亭州及清江郡隋初郡廢州存大業初改名庸州治清江縣尋改州為清江郡義寧初改為施州唐以州隸江南道開元間改清江郡天寶初改清化郡乾元初復為施州宗屬四川夔路元以清江縣省入州屬夔州路本朝初仍置施州屬夔州府及置施州衛後省州入衛改置施州衛軍民指揮使司屬湖廣都司

孝逸既克李敬業聲望甚重武

承嗣等惡而譖之故有是命

# 三月太后置銅甌受密奏

太后自徐敬業之反疑天下人多圖已又自以久專國事內行不正知宗室大臣怨望不服欲大誅殺以威之乃盛開告密有告密者給馬供食使詣行在所農夫樵人皆得召見或不次除官無實者不問於是四方告密者蜂起有魚保家者請鑄銅為甌以受天下密奏其器一室四隔上各有竅可入不可出太后善之未幾其怨家投甌告保家嘗為徐敬業作兵器遂伏誅胡人索元禮因告密召見擢為游擊將軍令按制獄元禮性殘忍推一人必令引數千百人於是周興來俊臣之徒效之興累遷至秋官侍郎俊臣至御史中丞皆養無賴數百人意所欲陷則使數處俱告之辭狀俱同既下獄則以威刑脇之無不誣服又造告密羅織經一卷網羅無辜織成反狀構造布置皆有支節其訊囚酷法有定百脉突地吼死猪愁求

破家反是實等號中外畏之甚於虎狼麟臺正字陳  
子昂上疏曰執事者疾徐敬業首亂唱禍將息姦源  
遂使陛下大開詔獄重設嚴刑有迹涉嫌疑辭相逮  
引莫不窮捕考按至有姦人熒惑乘險相誣糾告疑  
似冀圖爵賞及其窮竟百無一實陛下仁恕又屈法  
容之遂使姦惡之黨快意相離天下喁喁莫知寧所  
臣聞隋之末代天下猶平楊玄感作亂不踰月而敗  
天下之弊未至土崩煬帝不悟專行屠戮大窮黨與  
遂至殺人如麻流血成澤天下靡然始思為亂於是  
雄傑並起而隋族亡矣前事之不忘後事之師也伏  
惟陛下念之太后不聽子昂又嘗上疏曰朝廷遣使  
巡察四方或不擇人則黜陟不明刑罰不中徒使百  
姓脩飾道路送往迎來無所益也又曰宰相陛下之  
腹心刺史縣令陛下之手足未有無腹心手足而能  
獨理者皆不可以不擇也又曰天下有危機禍福因  
之而生百姓是也百姓安則樂其生不安則輕其死

輕其死則

**集覽**

魚保家風俗通云魚姓宋公子魚之

天下亂矣

後鑄銅為匱百官制朝堂四匱塗以

方色青曰延恩在東丹曰招諫在南白曰申寃在西

黑曰通玄在北索元禮索姓也音蘇各反喁喁魚容

反漢相如傳延頸舉踵

**質實**

行在所注見漢武帝天

喁喁然注衆口向上也

**質實**

漢二年蜂起注見秦二

世二年周興長安人來俊臣萬年

人陳子昂梓州射洪人元敬之子

夏四月太后鑄太儀○六月太后以岑長倩為內史蘇

良嗣韋待價為左右相韋思謙為納言

良嗣為相遇懷義於朝堂懷義偃蹇不為禮良嗣大

怒命左右批其頰懷義訴於太后太后曰阿師當於

北門出入南牙掌

**集覽**

批其頰批篇迷反手擊之也

相所往來勿犯也

**集覽**

或曰側擊也北門唐分宦寺

為北司故稱北門南牙唐  
分宰相為南司故稱南牙

秋九月太后以突厥斛瑟羅為繼往絕可汗○有山出  
於新豐

雍州言新豐縣東南有山湧出太后改新豐為慶山  
縣江陵人俞文俊上書言天氣不和而寒暑併人氣  
不和而疣贅生地氣不和而蝗阜出今陛下以女主  
處陽位反易剛柔故地氣塞隔而山變為災陛下謂  
之慶山臣以為非慶也伏惟側身脩德以**集覽**疣贅  
荅天譴不然禍今至矣太后怒流之嶺外**疣贅**與  
疣通離騷九章反離羣而贅疣注贅疣肉外之餘肉  
荀子曾未如疣贅莊子附贅縣疣蝗阜蝗都回反聚  
土曰蝗土**質實**雍州注見玄宗開元十一年京兆新  
山曰阜豐縣注見漢成帝鴻嘉元年山即慶



山在西安府臨潼縣東南三十五里唐武后時因風雷湧出此山初高六尺餘漸高至二百餘尺慶山縣注見漢成帝鴻嘉元年新豐江陵縣名注見漢獻帝建安十七年

書法 嘗書湧石矣漢後主建興十三年未有書山出者書山出何地道反也卑者高矣書山出

終綱目  
一而已

# 太后以狄仁傑為冬官侍郎

仁傑為寧州刺史御史郭翰巡察隴右入寧州境耆老歌刺史德美者盈路翰表薦之徵為冬官侍郎

質實

寧州注見肅宗上元元年

丁亥四年

太后垂拱三年

春正月帝在房州○三月韋思謙致仕

○夏四月太后以蘇良嗣為西京留守

時尚方監裴匪躬檢校京苑將鬻苑中蔬果以收其利良嗣曰昔公儀休相魯猶能拔葵去織婦未聞萬乘之主鬻蔬

集覽

拔葵去織婦注見漢武帝

質實尚

果也乃止

建元元年公儀休之相魯

監注見漢景帝後元年

太后以裴居道為納言張光輔平章事○太后殺同三

品劉禕之

禕之竊謂鳳閣舍人賈大隱曰太后廢昏立明安用臨朝稱制不如返政以安天下之心大隱密奏之太后不悅或誣禕之受金太后命王本立推之本立宣敕示之禕之曰不經鳳閣鸞臺何名為敕太后怒賜

死禕之初下獄睿宗為之上疏申理親友皆賀之禕之曰此乃所以速吾死也臨刑沐浴神色自若草謝表立成數紙胡氏曰禕之受知武后位為宰相有所見面陳之可也況返政大議乎而與人言之不知害成之戒也雖然不經鳳閣鸞臺何名為敕此則宰相之言也

秋七月太后以魏玄同為納言○突厥寇朔州太后遣黑齒常之擊之

突厥骨篤祿寇朔州太后遣黑齒常之李多祚擊之突厥散走磧北多祚世為靺鞨酋長以軍功得入宿衛常之每得賞賜皆分將士有善馬為軍士所損官屬請笞之常之曰奈何以私馬笞官兵乎卒不問

質實

朔州注見漢高帝六年馬邑磧北柔然地名注見梁武帝普通二年靺鞨北狄國名注見隋文

帝開皇十八年首長注

見漢帝玄更始二年

九月虢州人楊初成矯制募人迎帝於房州太后殺之

質實

虢州注見宋文帝元嘉十二年

書法

人微者其書何予之也晉周權矯詔復立羊后書誅此則曷為止書殺武氏廢帝非義也

迎帝復位義也書誅則何以勸義故止書殺之然則其必書矯何以為果義也雖與權可也綱目勸義之意亦深矣

○冬十月太后流李孝逸於儋州質實

儋州注見漢武帝元鼎六年儋

耳

武承嗣誣李孝逸自言當有天分太  
后以孝逸有功減死除名流儋州卒

發明

孝逸附會賊后為之鷹犬破李敬業而安武  
氏可謂孽后之忠臣唐室之姦賊也奏功不  
賞尋亦自及蓋天假手殛之以為後世助桀者之  
戒爾昔呂氏命灌嬰擊齊嬰乃與齊連和待變呂  
氏遂誅使孝逸而能為此擁三十萬之眾抗表請  
還政天子徐俟復辟而後罷兵則武氏豈終能禍  
唐哉不是之思遂亦不免故綱目不書  
其官以見貶之之意其竄死也宜矣

## 太后罷御史監軍

太后欲遣韋待價擊吐蕃韋方質奏請遣御史監軍  
太后曰古者明君遣將間外之事悉以委之比聞御  
史監軍軍中事皆承稟以下制上非令典也且何以  
責其有功遂罷之胡氏曰武后不置監軍可為法矣

自明皇肅代德憲皆不免此蔽賢臣勸諫終莫肯回  
用是見武氏智術之高控勒四海奇才碩德皆不能  
出其籠絡  
豈偶然哉

大饑

戊子五年

太后垂拱四年

春正月帝在房州○太后立崇先廟

太后立崇先廟以享武氏祖考命有司議室數博士  
周宗請為七室減唐太廟為五室春官侍郎賈大隱  
奏禮天子七廟諸侯五廟百王不易崇先廟室應  
如諸侯之數國家宗廟不應輒有變移太后乃止

實

七廟注見楚義帝元年

二月太后毀乾元殿作明堂質實

明堂注見漢武帝建元元年

初太宗高宗之世屢欲立明堂諸儒議其制度不決而止至是太后獨與北門學士議其制諸儒以為明堂當在國陽丙巳之地三里之外七里之內太后以為遠毀乾元殿以其地為之以僧懷義為之使凡役數萬人

### 書法

書毀乾元何誅心也武氏堅冰之坤以陰代陽乾元之號非其意明矣於是議立明堂太后因行其計毀乾元殿以其地為之網目書曰毀乾元殿作明堂誅心也

## 夏四月太后殺太子舍人郝象賢

象賢處俊之孫也初太后有憾於處俊會奴誣告象賢反遂族誅之象賢臨刑極口罵太后發揚宮中隱慝自是法官刑人質實郝象賢先以木丸塞其口質實安陸人

# 五月太后加號聖母神皇

武承嗣使人作瑞石文曰聖母臨人永昌帝業使人獻之曰獲之洛水太后喜命曰寶圖詔當拜洛受圖告謝于郊御明堂朝羣臣命諸州都督刺史宗戚並會神都先加尊號

質實

洛水注見漢高后三

年神都注見秦莊

襄王元年三川

# 六月朔日食○河南巡撫大使狄仁傑奏焚淫祠

仁傑以吳楚多淫祠秦焚其一千七百餘所獨留夏禹吳太伯季札伍員四祠

質實

吳楚二國名吳

注見漢獻帝建興三年楚注見秦始皇二十八年夏禹伯鯀之子治水有功受舜禪而有天下是為夏后氏其祠在開封府杞縣西北祺城內吳太伯注見漢昭帝元平元年其祠在蘇州府閭門內季札注見漢



成帝永始元年其祠在常州府治東南伍員注  
見漢高帝五年其祠在蘇州府城西四十里

秋八月琅邪王冲越王貞舉兵匡復不克而死太后遂

## 大殺唐宗室

太后潛謀革命稍除宗室韓王元嘉霍王元軌魯王  
靈夔越王貞及元嘉子黃公譔元軌子江都王緒號  
王鳳子東莞公融靈夔子范陽王藹貞子琅邪王冲  
在宗室中皆以才行有美名太后尤忌之元嘉等內  
不自安密有匡復之志及太后受圖召宗室朝明堂  
諸王遞相驚曰神皇欲因此盡收宗室誅之譔詐為  
皇帝璽書分告諸王令各起兵冲募兵得五千餘人  
起博州先擊武水革令馬玄素閉門拒守冲因風縱  
火焚其南門風回軍却衆懼而散冲還走博州為門  
者所殺太后遣將軍丘神勣擊之至博州冲已死官

吏出迎盡殺之越王貞亦舉兵於豫州太后遣將軍  
麴崇裕等討之又命張光輔為諸軍節度削貞冲屬  
籍更姓虺氏貞發屬縣兵得五千人使汝陽丞裴守  
德將之拒戰而潰遂與守德皆自殺初諸王往來相  
約結未定而冲先發惟貞狼狽應之諸王皆不敢發  
故敗貞之將起兵也遣使告壽州刺史趙瓌瓌妻常  
樂長公主謂使者曰李氏危若朝露諸王先帝之子  
不捨生取義欲何須耶大丈夫當為忠義鬼無為徒  
死也及貞敗太后欲悉誅諸王命監察御史蘇珣按  
之無驗太后召詰之珣抗論不回太后曰卿大雅之  
士朕當別有任使此獄不必卿也使周興等按之於  
是收韓王元嘉魯王靈夔黃公譔常樂公主於東都  
迫使自殺親黨皆誅時狄仁傑為豫州刺史貞黨與  
當坐者六七百家當籍沒者五千口仁傑密奏彼皆  
誑誤臣欲顯奏似為逆人申理不言又乖陛下仁恤  
之旨太后特原之皆流豐州道過寧州寧州父老迎

勞之曰我狄使君活汝耶相携哭於德政碑下三日而後行張光輔將士恃功多所求取仁傑不之應光輔怒曰州將輕元帥邪仁傑曰明公縱將士暴掠殺已降以為功恨不得尚方斬馬劍加公之頸雖死如歸耳光輔歸奏之左遷仁傑復州刺史霍王元軌江都王緒東莞公融濟州刺史薛顗顗弟緒緒弟駙馬都尉紹皆坐與二王通謀為太后所殺胡氏曰元軌賢王也然武氏方肉視諸李而元軌為青州刺史及宗室舉事又未嘗有一戈匹馬出境而西坐待潰敗賢雖可稱而周身之智克亂之才不足云矣

集

覽博州春秋齊西界聊攝地秦為東郡隋改博州今東昌府是莘濟陰莘地在莘仲城西今東昌莘縣也括地志云古莘國城在汴州陳留東五里陳留風俗傳云陳留外黃有莘昌亭本宋地莘氏邑也更姓虺氏言其如虺之有毒也陸佃云虺似蛇而小爾雅曰虺一名蝮博三寸首大如擘指爾雅讚曰蛇之殊

狀其名爲虺其尾似頭其頭類尾虎豹可踐此難忌  
履註誤漢景帝詔曰吳王濞爲逆註誤吏民注註音  
故卦反質實霍王元軌霍州名注見漢景帝四年衡  
亦誤也山元軌高祖之子越王貞越州名注見  
漢和帝永元元年會稽貞太宗之子黃按一統志漢  
之縣名屬東萊郡魏晉宋隋俱仍舊唐宋及元屬登  
州本朝因之屬登州府江都縣名注見漢獻帝興  
平元年號王鳳號州名注見宋文帝元嘉十二年莘  
鳳太宗之子東莞縣名注見晉安帝義熙五年范陽  
縣名注見漢帝立更始二年涿郡琅邪縣名注見宋  
文帝元嘉七年博州注見漢光武建武八年武水縣  
名本漢陽平縣地隋改爲清邑縣開皇中析置此縣  
周廣順中河決併入聊城縣故城在東昌府城西南  
六十里莘本春秋衛地名漢爲東郡陽平縣地晉屬  
陽平郡北齊改樂平縣後周於此置武陽郡隋初郡  
罷復爲陽平縣尋改清邑縣又改置莘州大業初罷

州改莘縣屬武陽郡因縣北古莘亭為名唐武德初復置莘州貞觀初州廢復以縣屬魏州宋金屬大名府元屬東昌本朝因之屬東昌府豫州注見漢光武建武十九年汝南汝陽縣名注見漢後主延熙十八年壽州注見齊主寶卷永元二年壽陽蘇珣藍田人德政碑在慶陽府寧州城西唐垂拱中建豫州流民哭於其下即此復州注見晉孝武帝太元六年竟陵濟州注見晉帝奕太和四年高平

### 書法

書匡復何持筆也王莽之篡唯劉續書起兵興復新莽地皇三年武后之亂唯琅邪王冲

等書舉兵匡復是年朱溫之僭惟淮南西川書移檄興復昭宣帝天祐四年皆持筆也冲貞子也曷

為先之首倡義也

### 發明

唐史載冲等討亂死之而通鑑止直叙其事故褒貶之義不明今綱目書舉兵興復不克

而死既予其興復又予其死節則其義昭然明白  
夫武氏亂唐人神共憤冲等身為宗室儻皆坐視  
弗恤後世必謂秦無人如其舉義不克則同死社  
稷豈不猶勝於坐受屠戮者乎人臣所明者義於  
功不貴幸而成所守者節於死不貴幸而免書法  
若此固不以成敗論人亦所以為忠臣義士之勸  
也

太后以騫味道王本立同平章事。太后拜洛受圖

太后拜洛受圖皇帝皇太子皆從內外百官四裔酋  
長各依方叙立文物鹵簿之盛唐興以來未之有也

質實

鹵簿注見晉成  
帝咸康二年

明堂成作天堂

明堂高二百九十四尺方三百尺凡三層下層法四時各隨方色中層法十二辰上為圓蓋九龍捧之上層法二十四氣亦為圓蓋上施鐵鳳高一丈飾以黃金號曰萬象神宮又於明堂北起天堂五級以貯大像至三級則俯視明堂矣以懷義為威衛大將軍梁國公侍御史王求禮上書曰古之明堂茅茨不剪采椽不斷今者飾以珠玉圖以丹青瓊臺瑤室無以加也不報

集覽

茅茨不剪采椽不斷史記李斯

傳堯之有天下也堂高三尺采椽不斷茅茨不剪雖逆旅之宿不勤於此徐廣曰墨子稱茅茨不剪謂以茅覆屋不取整齊索隱曰采木名即今之棕木固非謂文采也言以采木為椽桷不雕刻也漢書采從木傍注梓木也瓊臺瑤室注見高祖武德九年

書法

書成何重明堂也故雖作於武氏其作其成其火其新綱目必詳書之天堂則貯大像耳

一書始作以著其徇人欲崇淫祀而已其成不書其火不書

# 太后詔發兵擊生羌及吐蕃不果行

太后欲發梁鳳巴蠻自雅州開山通道擊生羌龔吐蕃陳子昂上書曰雅州邊羌未嘗為盜一旦戮之必將蜂起臣愚以為西蜀之禍自此結矣吐蕃愛蜀富饒欲盜之久矣徒以山川阻絕障隘不通勢不能動今國家乃亂邊羌開隘道使其收奔亡之種為鄉導以攻邊是借寇兵而為賊除道舉全蜀以遺之也蜀者國家之寶庫可以兼濟中國今執事者乃圖僥倖之利以事西羌得其地不足以稼穡得其財不足以富國臣恐未見羌戎已有姦盜生其中矣今山東饑闕隴弊而徇貪夫之議謀動甲兵自古國亡家敗鮮不由此願陛下熟計

集覽

梁鳳俱在陝西梁即漢之漢中郡晉為梁州唐以梁



京聲相近改梁曰褒德宗陞興元府鳳即漢之武都  
郡固道河池二縣地南齊置南岐州西魏改鳳州隋  
置河池郡唐復為鳳州巴蠻皆南夷種名也蠻音袒  
晏公類要曰南方有巴人焉有白虎人焉有蠻蠻人  
焉巴人好歌名踏蹄白虎人事道蠻蠻人事鬼伐鼓  
以祭祀叫嘯以興哀詰朝為市日未午交易而退  
質實梁鳳二州名梁注見周報王四年漢中鳳注見  
梁武帝中大通六年南岐雅州注見僖宗中和  
二年西蜀注見晉武帝泰始八年僊倖注見宋孝武  
帝大明二年山東道名注見宋文帝元嘉二十五年  
關隴謂關  
中隴右

己丑  
六年  
太后永昌元年  
春正月帝在房州○太后大饗萬象神

宮

太后服袞冕搢大珪執鎮珪為初獻皇帝為亞獻太子為終獻周國先王亦與饗焉禮畢御門大赦布政于明堂頒九條以訓百官又尊周忠孝

**集覽**

搢大珪

王為太皇妣為太后墓曰昊陵順陵

搢通作晉珪通作圭禮典瑞曰王晉大圭執鎮圭鄭司農云晉讀為搢紳之搢謂插於紳帶之間若帶劔也玉人職曰大圭長三尺杼上終葵首天子服之鎮圭尺有二寸天子守之注大珪或謂之珽終葵推也為推於杼上明無所屈也杼綱也相玉書曰珽玉六寸明自昭杼直呂反珽他頂反推直追反綱色界反殺字之異者圭璋圖曰大圭王所搢珽也形方正挺然無所屈齊人謂推為終葵圭首六寸為推以下殺之鎮圭飾四鎮山象其高王質實

袞冕注見漢平帝元始五年周忠孝

王武氏尊父士

驥為周忠孝王

夏四月太后以武承嗣為納言張光輔為內史考異

一本

為作守  
提要同

○太后殺汝南王煒鄱陽公誣等十二人及天

官侍郎鄭玄挺

誣謀逆中宗於房陵以問玄挺煒又嘗謂玄挺曰  
欲為急計何如玄挺皆不應坐知反不告同誅

質

實

汝南郡名注見漢光武建武十九年鄱陽縣名注  
見秦二世二年房陵縣名注見漢獻帝建安二十

年四

秋七月太后徙紀王慎于巴州道卒

諸王之起兵也紀王慎獨不預謀亦坐繫獄徙巴州  
行及蒲州而卒八男相繼被誅女東光縣主楚媛適

司議郎裴仲將相敬如賓姑有疾親嘗藥膳接遇娣  
姒皆得歡心時宗女皆以驕奢相尚謂之曰所貴於  
富貴者得適志也今獨守勤苦將何求楚媛曰幼而  
好禮今而行之非適志歟富貴儻來之物何足驕人  
衆皆慚服及聞慎薨號慟  
嘔血不御膏沐垂二十年  
集覽楚媛東光縣主之名  
婦者兄弟之妻相名也爾雅長婦謂稱婦為娣婦稱  
婦謂長婦為姒婦郭璞注云相呼先後也杜預曰姒  
娣相呼曰娣姒謂據婦年之長幼不隨夫年之大小  
富貴儻來儻來者物之暫寄也顏師古曰儻者意外  
忽來者耳不御膏沐御用也膏所以澤髮者沐滌首  
去垢者詩伯兮豈無膏沐誰適為容文公集傳曰適  
丁歷反主也言我非無膏沐可以為  
質實紀王慎紀  
容所以不為者無所主而為之故也  
本春秋時  
國名城內有臺俗呼為紀臺隋置縣於此唐因之後  
廢故城在青州府壽光縣西南三十里慎太宗之子

蒲州注見周赧王十二年蒲坂東光縣漢初所置屬渤海郡後徙渤海郡治此隋初郡廢置觀州大業初州罷屬平原郡以安陵縣省入唐屬滄州貞元初改屬景州五代周以弓高縣省入宋為永靜軍治金為觀州治元屬景州本朝因之改屬河間府

書法

徙死書死恒也據淮南王長等此其書卒何無罪也綱目徙書卒一而已

太后遣韋待價擊吐蕃大敗除名流繡州

初太后命左相韋待價擊吐蕃至寅識迦河與吐蕃戰大敗會大雪糧運不繼待價狼狽引軍還太后大怒除名流繡州斬其副閭溫古安西副都護唐休璟收其餘衆撫安西土太后以休璟為西州都督質

實

繡州注見高祖武德五年林州西州注見齊明帝建武四年高昌

# 八月太后殺內史張光輔

徐敬業之敗也弟敬真流繡州將奔突厥為吏所獲多引海內知識云有異圖冀以免死誣內史張光輔私論圖讖陰懷兩端遂皆被誅秋官尚書張楚金陝州刺史郭正一鳳閣侍郎元萬頃洛陽令魏元忠皆當死臨刑太后使馳騎赦之當刑者皆喜躍謹呼元忠獨安坐自如既宣敕乃徐起拜竟無憂喜之色遂流嶺南是日陰雲四塞

**質實**

圖讖注見漢光武建武中元元年陝州注見周

顯王四十五年嶺南道名注

見秦始皇三十三年南海

## 九月太后以僧懷義為新平道大總管討突厥考異

討當

作**擊考證**

討當作擊

**質實**

新平道注見漢桓帝延熹五年幽

書法

黑齒常之書擊此書討何重辭也討罪大義也而以僧任之非其人矣重其辭所以病太

后也直書其事不待貶而意自見矣

○閏月太后殺同平章事魏玄同

魏玄同素與裴炎善時人以其終始不渝謂之耐久  
明周興素惡玄同誣之曰玄同言后老矣不若奉嗣  
君為耐久太后怒賜死於家或教之告密冀得召見  
自陳玄同歎曰人殺鬼殺等耳豈能作告密人邪乃  
就死自餘內外大臣坐死及流貶甚衆彭州長史劉  
易從為徐敬真所引就州誅之易從為人仁孝忠謹  
將刑於市吏民憐其無辜遠近奔赴競解衣投地曰  
為長史求冥福有司平準直十餘萬興等又誣武衛  
大將軍黑齒常之謀死集覽求冥福脫衣以為贈祿助  
反徵下獄常之縊死集覽死者於幽冥之中求覓福

果

質實

彭州按一統志本周之彭國秦為蜀郡繁縣地漢晉因之劉宋置晉壽郡及縣梁置東益

州後周改郡及縣俱曰九隴隋初廢郡置濠州尋廢唐復置濠州貞觀初廢後又置彭州天寶初改濠陽郡乾元初復為彭州又置威勝軍宋仍為彭州治九隴元以九隴縣省入本朝改州為縣省濠陽縣入焉仍屬成都府

冬十月太后殺鄭王璿等六人質實

鄭州名注見梁武帝普通六年鄭城

初太后問陳子昂當今為政之要子昂上疏以為宜緩刑崇德息兵革省賦役撫慰宗室各使自安辭婉意切其論甚美至是又上疏曰太平之朝上下樂化不宜有亂臣賊子曰犯天誅比者大獄增多逆徒滋廣愚臣頑昧初謂皆實去月陛下特察李珍等無罪又免楚金等死初有風雨變為景雲臣乃知亦有無



罪之人枉於疎網者臣聞陰慘者刑也陽舒者德也  
聖人法天天亦助聖今又陰雨臣恐過在獄官陛下  
何不悉召獄囚自詰其罪有實者顯示明刑濫  
者嚴懲獄吏使天下咸服豈非至德克明哉  
景雲晉天文志瑞氣曰慶雲若烟非烟若雲非雲郁  
郁紛紛蕭索輪囷是謂慶雲亦曰景雲此喜氣也太  
平之應

太后以范履冰邢文偉同平章事○十一月太后享萬  
象神宮始用周正

改十一月為正月十二月  
為臘月夏正月為一月

書法

書改正多矣書曰以某月為歲首或曰以某  
月為某月恒辭也此其書曰用周正何誅心

也周士黷始封國也改用建子而太后以周代唐之意決矣綱目深探其情故特書曰用周正

太后自名璽改詔曰制考異

太后當作武氏按凡例纂賊曰某此後當改太后二

字作

璽字

鳳閣侍郎宗奉客改造十二字

集覽

改造十二字照

以獻至是行之璽即照字也

為璽日為乙月為圉星為○君為虜臣為惡載為虜初為胤年為垂正為丑

除唐宗室屬籍

從司刑少卿

周興之請也

庚寅七年

周武氏天授元年

考異

按王莽篡國分注新莽某年此當分注周璽天授元年後凡歲

首並同

春正月帝在房州。太后以武承嗣為左相武攸  
寧為納言邢文偉為內史王本立罷。太后流韋方質  
于儋州。

時武承嗣三思用事宰相皆下之方質有疾承嗣三  
思往問之方質據牀不為禮或諫之方質曰死生有  
命大丈夫安能曲事近戚以求苟免  
乎尋為周興所構流儋州俄賜死

## 二月太后策貢士於洛城殿

貢士殿試自此始補闕薛諶光上疏曰選舉之法宜  
得實才取捨之間風化所繫今之選人咸稱覓舉奔  
競相尚諠訴無慙至於才應經邦唯令試策武能制  
敵止驗彎弧昔漢武帝見司馬相如賦恨不同時及

置之朝廷終文園令知其不堪公卿之任故也吳起將戰左右進劍起曰將者提鼓揮桴臨難決疑一劍之任非將事也然則虛文豈足以佐時善射豈足以克敵要在文吏察其行能武吏觀其勇畧考居官之臧否行舉者之賞罰而已胡氏曰漢策問賢良非試之也延於大廷訪以理道其事重矣若貢士則既試于南宮而又試之殿廡是以南宮為不足信邪故富文忠公請罷殿試其說甚當然未能行焉無亦悅其名而未察其實歟况其事始於僭

集臨見

彎弧彎牽

也持弓闕

矢也終文園令相如奏賦以哀二世行失拜為孝文園令終於此官而已提鼓揮桴禮大司馬師帥執提鄭司農云提讀如攝提之提謂馬上鼓有曲木提持鼓立馬髦上者故謂之提桴與抱通國語范蠡曰左提鼓右

質實

司馬相如成都人少好讀書學擊劍客

援抱

遊梁著子虛上林賦漢武帝讀而善之

召見屢獻賦拜為郎會唐蒙驚擾巴蜀遣相如諭之  
還拜中郎將建節垂傳至蜀通印笮還報帝大悅復  
奏大人賦帝稱飄飄有凌雲意後以病免吳起衛人  
嘗學於曾子好用兵為魯將破齊復為魏將擊秦魏  
武侯善之拜為西河守大振聲名既而見疑適楚悼  
王聞其賢以為相於是撫養士卒平越取陳却晉伐  
秦諸侯畏之南宮禮部也唐開元中謂尚書省為南  
省門下省為北省唐舊說禮部郎中掌省中文翰謂  
之南宮舍人富文忠公富弼河南  
人宋仁宗時拜相卒諡曰文忠

**書法**

丘濬曰此後世進士殿試之始按漢策問賢  
良非試之也後世出題試士於殿廷始見於

此遂因之  
以為定制

三月蘇良嗣卒

書法

於是大臣不書卒六年矣多  
太后所殺也於是始書良嗣

○四月范履冰下獄死○秋七月太后流舒王元名於  
和州以侯思止王弘義為侍御史

醴泉人侯思止素詭譎無賴恒州刺史裴貞杖一判  
司判司使思止告貞與舒王元名謀反元名廢徙和  
州貞亦族滅思止求為御史太后曰卿不識字對曰  
解豸何嘗識字但能觸邪耳太后悅從之衡水人王  
弘義素無行嘗從鄰舍乞瓜不與乃告縣官瓜田中  
有白兔縣官使人搜捕蹂踐立盡又見閭里耆老作  
邑齋遂告以謀反殺二百餘人太后擢為殿中侍御  
史或告勝州都督王安仁謀反敕弘義按之安仁不  
服弘義即枷上刎其首朝士人人自危每朝輒與家  
人訣曰未知復相見否御史中丞李嗣真上疏曰古

者獄成公卿參聽王必三宥然後行刑比日獄官單  
車奉使臨時專決不復聞奏倘有寃濫何由可知况  
以九品之官專命推覆操殺生之柄竊人主之威案  
覆既不在秋官省審復不由門下國之利器輕以假  
人恐為社稷之禍太后不聽時法官競為深酷惟司  
刑丞徐有功杜景儉獨存平恕被告者皆曰遇來侯  
必死遇徐杜必生有功文遠之孫名弘敏以字行初  
為蒲州司法不施敲扑吏相約有犯徐司法杖者衆  
共斥之迨官滿不杖一人職事亦脩及為司刑丞酷  
吏所誣構者皆為直之前後所活數十百家嘗廷爭  
獄事太后厲色詰之有功神色不撓爭之彌切太后  
雖好殺知有功正直甚敬憚之司刑丞李日知亦尚  
平恕少卿胡元禮欲殺一囚日知以為不可往復數  
四元禮曰元禮不離刑曹此囚終無生理日知曰日  
知不離刑曹此囚終無死法

集覽

王必三宥然後行  
刑記文王世子獄

成有司識於公其死罪則曰某之罪在大辟其刑罪則曰某之罪在小辟公曰宥之有司又曰在辟公又曰宥之有司又曰在辟及三宥不對走出致刑於甸人公又使人追之曰雖然必赦之有司對曰無及也注云君每言宥則答之以至於三罪定不復答走往刑之為君之恩無已利器劉陶傳妄假利器注利器謂威質實醴泉縣名按一統志本漢左馮翊谷口縣權也質實醴泉縣名按一統志本漢左馮翊谷口縣

改醴泉縣因後周醴泉宮為名唐初析置溫秀縣後省入醴泉宋割屬醴州金元仍屬乾州本朝因之改屬西安府恒州注見漢光武建武九年常山舒王元名舒州名注見梁簡文帝大寶元年晉熙元名高祖子也和州注見漢冲帝永嘉元年獬豸但能觸邪神異經云獬豸神羊也性忠直見人鬪則觸不直聞人論則咋不正一名任法獸張肇曰今御史法冠曰獬豸後漢輿服志獬豸神羊楚王獲之以為冠秦滅



楚以其君冠賜執法近臣御史服之衡水縣名注見隋恭帝皇泰二年勝州注見隋文帝開皇十九年李嗣真邢州柏仁人社稷注見新莽天鳳元年徐有功東海人杜景儉武邑人李日知滎陽人

## 太后頒大雲經於天下

僧法明等撰大雲經上之言太后乃彌勒佛下生當代唐為閻浮提主制頒天下尋敕兩京諸州建寺藏之

### 集覽

閻浮提佛經云郊部即此州名在彌廬山南故稱南閻浮提

### 書法

大雲經何偽書也隋靈感志不書頒此其書頒何譏也自欺非矣欺人甚哉故大雲經書

頒武后鼎銘書

頒譏欺人也

## 太后殺澤王上金許王素節

武承嗣告上金素節謀反徵詣行在素節在道聞遭喪哭者曰病死何可得而更哭耶至皆殺之并誅其子及質實澤王上金澤州名注見梁武帝中大通六年支黨注見漢光武建武八年長社素節高宗子也

太后殺南安王頴等十二人及故太子賢二子質實

南安

縣名按一統志本漢會稽郡侯官縣地吳置東安縣晉改曰晉安屬晉安郡梁為南安郡治隋廢郡改縣曰南安屬泉州唐初以縣置豐州後屬泉州宋元仍舊本朝因之屬泉州府

唐之宗室於是殆盡其幼弱者亦流嶺南

九月武氏改國號曰周稱皇帝以豫王旦為皇嗣改姓

武氏考證

當去皇字○謹按唐武后廢黜中宗以豫王旦為皇嗣改姓武氏凡例曰篡賊干統而不

及傳世者唐武氏之類綱目名武氏為篡賊得之凡例又曰凡非正統者去皇號故雖睿宗改姓而為篡賊之

嗣豈得以皇號加之乎  
當作以豫王旦為嗣

侍御史傳遊藝上表請改國號曰周賜皇帝姓武氏太后不許擢遊藝為給事中於是百官宗戚百姓四夷合六萬餘人俱上表如遊藝所請太后可之御則天樓赦天下以唐為周上尊號曰聖神皇帝以皇帝為皇嗣賜姓武氏以皇太子為皇孫立武氏七廟追尊周文王為始祖文皇帝祖考皆為皇帝妣皆為皇后立武承嗣為魏王三思為梁王士彘兄孫攸暨等十二人皆為郡王以史務滋為納言宗秦客檢校內史傳遊藝為鸞臺侍郎平章事並賜姓武秦客潛勸太后革命故首為內史尋坐賊貶黜遊藝暮年之中

歷衣青綠朱紫時人謂之四時仕宦太后欲以太平公主妻武攸暨使人殺其妻而妻之公主多權畧太后以為類已常與密議天下事胡氏曰君子有言臣居尊位升萃是也猶可言也婦居尊位武氏是也非常之變不可言也蓋廢興常理也陰居尊位非常之變故也呂氏為而未成武氏遂革唐命然傳紀以來三千年間纔一人耳亦不及終其身而復後世或有欲為是者豈無其漸仁人義士監於高宗必逆有以處之

集覽

檢校內史唐有檢校兼守判知之類皆非本制出於特旨所置與正負資格同皆以

待資淺之人君子有言下文皆伊川易傳文也注見睿宗景雲二年以六居五質實注見漢成帝綏和二年魏郡梁州名注見周赧王四年漢中太平公主太平縣名本漢之河東郡臨汾縣地後魏始置太平縣以在太平故闕城因名屬平陽郡隋初屬晉州尋移闕東北屬絳州唐復移原治又移敬堡

宋金仍舊元屬絳州本朝改屬平陽府公主武后女也

書法

書稱皇帝廢某為某多矣此其不書廢書以何不予旦之得立也不予其立則廢之宜矣

故不書廢武氏既改國號自是削其太后稱武氏焉所以絕之於唐也綱目之筆削凜凜矣

發明

武氏之亂自書契以來未之有也然綱目亦因其漸而書之以見不輕絕人之意蓋自高

宗時書初令皇后決事書百官四夷朝天后至廢立以後書大殺唐宗室書除唐宗室屬籍書殺澤王許王南安王等極矣然猶以太后書之未遽黜也至是改國號周自稱皇帝以豫王為皇嗣改姓武氏於是始加斥絕不稱太后止書武氏所謂誅以王法廢之為庶人者也夫天下唐之天下武氏為唐妾婦遂乃草命稱尊滅唐社稷綱目自是書周書武氏蓋絕之於唐明其不得為李氏婦而中

睿亦不得而母之爾嗚呼女禍之慘未有若是之甚者綱目書之為後世戒可謂深切著明也矣有天下國家者可不謹哉○丘濬曰嗚呼此開闢以來未有之大變也太極動而生陽靜而生陰天陽而地陰也日陽而月陰也男陽而女陰也乾道成男坤道成女男正位乎外女正位乎內君道象日后道象月此天地之常人倫之正自有天地以來未之有改焉者武璽一旦以陰柔之資當陽剛之位則地升而為天也月易而為日也女變而為男也反陰陽之常變剛柔之質易內外之位程子所謂非常之變不可言者此也嗚呼言且不可況見之乎當是之時武璽以女而統男而一時公卿將相羣臣庶僚莫不以男而奉女耽其奉養之恩畏其誅戮之慘忘其身之為男子也嗚呼人亦不幸而生於斯時哉或曰此非但起於武氏也前此呂雉蓋嘗為之矣雖然呂氏於是時猶依所名惠帝

之子以臨朝稱制漢之為漢固自若也武曌則草  
唐之命滅夫之族被天子之袞冕稱天子之名號  
巍然居殿陛之間偃然行人君之事以受人君之  
朝以為萬邦之主忘其身之為女也而天下臣民  
亦翕然視之以男焉嗚呼此豈但人世之理悖哉  
亦天地之氣亂也若夫以睿宗為皇嗣賜姓為武  
尤為悖逆夫倡優之子則從母之姓睿宗於此不  
父其父而父其母禮所謂禽獸知有其母而不知  
有其父者也雖然睿宗蓋亦不幸而生為武曌之  
子也歟然則舊書睿宗皆作豫王旦不予武氏之  
立也史綱前此之書亦然而此又以為唐帝旦者  
蓋以見豫王前此固為唐之帝矣至是又為曌之  
嗣焉吁前也承父則姓父之姓以為唐之君後也  
承母則姓母之姓以為周之嗣嗚呼人之生也合  
父母而有此身承祖宗而有此姓睿宗一身前後  
分而異屬豈復有人理哉書之於冊以紀世道之

大變

# 冬十月西突厥入居內地

西突厥十姓自垂拱以來為東突厥所侵掠散亡畧盡繼往絕可汗斛瑟羅收其餘衆六七萬人入居內地太后以為竭忠事主可汗

## 周以徐有功為侍御史考異

按名號例曰篡賊曰某據王莽改國號曰新綱目每

書但冠以莽字未嘗冠以新字此書周當易以翌字庶合朱子立例之意且無唐經亂周紀之失也後書周處此做

道州刺史李行褒兄弟為酷吏所陷當族秋官郎中徐有功固爭不能得周興奏有功故出反囚當斬太



后免有功官然太后雅重有功尋復起為侍御史有  
功伏地流涕固辭曰臣聞鹿走山林而命懸庖厨勢  
使之然也陛下以臣為法官臣不敢枉陛下  
下法必死是官矣太后固授之聞者相賀質實道州  
統志本春秋戰國時楚之南境地秦屬長沙郡漢屬  
零陵郡吳分為營陽郡梁改為永陽郡隋廢郡併入  
永州唐初置南營州治營道縣貞觀間始改道州屬  
江南西道天寶初改江華郡宋仍為道州元改為道  
州路本朝初改為府  
後改為州屬永州府

## 十一月周易服色改置社稷宗廟

太后受尊號於萬象神宮旗幟尚赤改置社稷於神  
都納武氏神主於太廟以唐太廟為享德廟改崇先  
廟為崇尊廟冬至祀明  
堂以武氏祖配上帝

辛卯八年

周武氏天授二年

考異

提要分注作周武氏載初元年

春正月帝在房

州○二月周流其右丞周興於嶺南考異

提要右丞作左丞

初金吾大將軍丘神勣以罪誅或告右丞周興與神勣通謀太后命來俊臣鞠之俊臣與興方推事對食謂興曰因多不承當為何法興曰此甚易耳取大甕以炭四周炙之令囚入中何事不承俊臣索大甕如興法起謂興曰有內狀推兄請兄入此甕興惶恐服罪法當死原之流嶺南在道為仇家所殺興與索元禮來俊臣競為暴刻所殺各數千人破千餘家元禮殘酷尤甚尋亦為太后所殺

夏四月朔日食○秋七月周徙關內戶數十萬實洛陽

質實

洛陽縣名注見周顯王三年

○八月周殺其將軍張虔勗考異

按統系例曰凡正統事有相因者連書之注云篡賊事亦連書但每歲首及有異事一加其名據王莽歲首書事及間有異事一書其名無異事者不冠以名則此年流周興事在歲首當冠以翌字徒闕內戶上有日食亦當冠以翌字餘自殺張虔勗以下事皆翌所為間無異事舊書周字皆當削後並放此

來俊臣鞠虔勗虔勗自訟於徐有功俊臣怒命衛士以刀亂斫殺之梟首於市又鞠岐州刺史雲弘嗣不問一欵先斷其首

**質實**

梟首注見漢靈帝建寧元年岐州注見周顯王八年

乃偽立案奏之

**周改義豐王光順等姓武氏幽之宮中質實**

義豐按一統志本漢

中山國安國縣地名晉屬博陵郡北齊省隋置義豐縣屬博陵郡唐改為立節縣嗣聖初復曰義豐屬定州景福初於此置祁州宋改為蒲陰縣景德初以州為蒲陰金天會中復為祁州元以蒲陰縣為附郭本朝省蒲陰

入州改屬保定府

光順太子賢之子也與弟守禮守義及睿宗諸子皆幽閉宮中不出門庭者十餘年

# 九月周平章事傳遊藝自殺

遊藝夢登湛露殿所

親告之下獄自殺

## 書法

武氏自嗣聖以來殺人多矣書太后殺十三太子賢裴炎程務挺劉禕之郝象賢汝南王煒

鄱陽公譔張光輔魏玄同鄭王璵澤王上金許王

素節南安王潁書周殺八張虔勗格輔元岑長倩

歐陽通李安靜裴匪躬侯思止劉思禮書周武氏

殺一豫王妃劉氏惟傳遊藝書自殺自殺何自取

殺也遊藝首倡改號為周之議遂取大位纔及暮

年而以言夢下獄綱目不書下獄書自殺若曰其

其所以死者  
自取之云爾

# 周以武攸寧為納言狄仁傑同平章事

太后謂仁傑曰卿在汝南甚有善政卿欲知諧卿者  
名乎仁傑謝曰陛下以臣為過臣請改之知臣無過  
臣之幸也不願知諧  
者名太后深歎美之

# 周殺其同平章事格輔元右相岑長倩納言歐陽通

先是鳳閣舍人張嘉福使洛陽人王慶之等數百人  
上表請立武承嗣為皇太子岑長倩格輔元以皇嗣  
在東宮不宜有此議由是大忤諸武意皆坐誅來俊  
臣教長倩子引歐陽通訊之不服詐為款并殺之太  
后詔慶之曰皇嗣我子奈何廢之對曰神不歆非類  
民不祀非族今誰有天下而以李氏為嗣乎太后不

從慶之屢求見太后怒命鳳閣侍郎李昭德杖之昭德引出門示朝士曰此賊欲廢我皇嗣立武承嗣命撲之耳目皆血出然後杖殺之其黨乃散昭德因言於太后曰天皇陛下之夫皇嗣陛下之子陛下身有天下當傳之子孫為萬代業豈得以姪為嗣乎自古未聞姪為天子而為姑立廟者也且陛下受天皇顧託若以天下與承嗣則天皇不血食矣太后亦以為然

**質實**

李昭德長安人乾祐之子

## 周殺右將軍李安靜

太后將革命王公百官皆上表勸進右將軍李安靜獨正色拒之及下制獄來俊臣詰其反狀安靜曰以我唐家老臣湏殺即殺若問謀反實無可對俊臣竟殺之安靜綱之孫也

**質實**

李安靜觀州蔣人

**書法**

綱目書周所殺必曰殺其某官某其者何外之也右將軍天授所命也則曷為不書其內

安靜也安靜不肯署表勸進可謂義矣及下制獄  
俊臣詰之辭曰唐家老臣須殺即殺則安靜心乎  
唐者也綱目不書其所以  
殊安靜於武氏之黨也

### 周遣使存撫諸道

壬辰九年周武氏如意元年再改長壽

春正月帝在房州○周武氏引

### 見存撫使所舉人考異

武氏二字當作翌字

初太后遣使存撫四方至是引見其所舉人無問賢  
愚悉加擢用高者試給舍次郎御史遺補校書郎試  
官自此始時人為之語曰補闕連車載拾遺平斗量  
擢推侍御史盍脫校書郎有舉人沈全交續之曰麴  
心存撫使眯目聖神皇御史劾之太后笑曰但使卿  
輩不濫何恤人言太后雖濫以祿位收人心然不稱

職者尋亦黜之或加刑誅挾刑賞之柄以駕御天下  
政由已出明察善斷故當時英賢亦競為之用胡氏  
曰沈全交之言可謂誹謗矣而武后付之一笑仍責  
舉官使之自反此明主所為也宜其運動四海呼吸  
雷風一時英賢集覽高者試給舍高第者試守鳳閣  
無不悅首也舍人給事中通典注試者未為

正命凡正官皆稱行守其階高官卑者稱行階卑官  
高者稱守階官同者並無行守字次即御史遺補校書  
郎其次等者試守諸郎官侍御史拾遺補闕校書郎  
擢推擢權俱反推傳追反齊魯謂四齒杷為擢新書  
云杷推盃脫之謗盃脫盃通作椀說文小孟也脫者  
椀之形模眯目眯母禮反物入目中也莊子簌簌眯  
目正誤擢推侍御史盃脫校書郎今按推當作推胡  
三省音吐雷反為是言授官之泛如用杷推  
聚之多盃脫言官不得人如模脫盃杯箇箇  
相似也蘇軾詩盃脫本無模對匱藏終自集



周築神都外城質實

神都注見秦莊襄王元年三川

○周以郭霸為監

察御史

郭霸以諂諛拜監察御史中丞魏元忠病霸往問之因嘗其糞喜曰糞甘則可憂今苦無傷也元忠大惡之

周貶狄仁傑魏元忠為縣令

來俊臣羅告同平章事任知古狄仁傑裴行本司農卿崔宣禮左丞盧獻中丞魏元忠潞州刺史李嗣真謀反先是俊臣請降敕一問即承反者得減死知古等下獄俊臣以此誘之仁傑曰大周革命萬物惟新唐室舊臣甘從誅戮反是實俊臣乃少寬之判官王德壽教仁傑引平章事楊執柔仁傑曰皇天后土遣

狄仁傑為如此事以頭觸柱血流被面德壽懼而謝之仁傑裂衾帛書冤狀置綿衣中謂德壽曰天時方熱請授家人去其綿德壽許之仁傑子得書持之稱變以聞太后以問俊臣俊臣乃詐為仁傑等謝死表上之初平章事樂思晦亦為俊臣等所殺男未十歲沒入司農至是上變得召見太后問狀對曰臣父已死臣家已破但惜陛下法為俊臣等所弄陛下不信臣言乞擇朝臣之忠清陛下素所信任者為反狀以付俊臣無不承反矣太后意稍寤召見仁傑等問曰卿承反何也對曰不承則已死於拷掠矣太后曰何為作謝死表對曰無之出表示之乃知其詐於是出此七族皆貶縣令仁傑彭澤元忠涪陵流行本嗣真于嶺南俊臣稱行本罪尤重請誅之徐有功駁之曰明主有更生之恩俊臣不能將順虧損恩信殿中侍御史霍獻可宣禮之甥也言於太后曰陛下不殺崔宣禮臣請墮命於前以頭觸殿階流血霑地以示為

人臣不私其親太后皆不聽萬年主簿徐堅上疏曰  
書有五聽之道令著三覆之奏比來推按反者令使  
者得實即行斬決人命至重死不再生萬一懷枉吞  
聲赤族豈不痛哉又法官之任宜加揀擇有用法寬  
平為百姓所稱者願親而任之有處事深酷

集覽

羅告

不允人望者願踈而退之堅齊聃之子也  
羅織下文七人之罪而告之書有五聽之道禮小司  
寇以五聲聽獄訟求民情一曰辭聽二曰色聽三曰  
氣聽四曰耳聽五曰目聽注觀其出言不直則煩觀  
其顏色不直則赧然觀其氣息不直則喘觀其聽聆  
不直則惑觀其眸子視不直則眊然令著三覆之奏  
覆者反覆推訊如是者三然後奏裁此已著之為令  
矣太宗貞觀五年既斬張蘊古悔之因詔死刑雖令  
即決皆三覆奏久之又曰自今宜三日五覆奏諸州  
死罪三

質實

潞州注見周赧王五十三年上黨司農  
官名注見高祖武德七年彭澤縣名注

見晉元帝永昌元年涪陵縣名注見晉惠帝太安二年萬年縣名注見漢高帝十年徐堅長城人

# 夏五月禁天下屠殺採捕

時江淮旱饑民不得採魚蝦餓死者甚衆拾遺張德生男私殺羊會同僚補闕杜肅懷一餠上表告之明日太后對仗謂德曰聞卿生男甚喜德拜謝太后曰何從得肉德叩頭服罪太后曰朕禁屠宰吉凶不預卿自今名客亦須擇人出肅表集覽一餠餠杜覽反示之肅大慙舉朝欲唾其面餅餠也麪裹肉為正誤一餠今按史記餠與啖同猶言一齋謂一口之食也

## 書法

自草命以來每事必書周外之也此則曷為不書周禁殺未失也書周是善之矣

秋七月周左相武承嗣罷以李昭德同平章事

先是昭德密言於太后曰魏王承嗣權太重太后曰  
吾姪也故委以腹心昭德曰姑姪之親何如父子子  
猶有篡弑其父者況姪乎太后矍然遂罷承嗣政事  
承嗣亦毀昭德於太后太后曰吾任昭德始得安眠  
此代吾勞汝勿言也是時酷吏忠橫百官畏之側足  
昭德獨廷奏其姦太后好祥瑞有獻白石者執政詰  
其異對曰以其赤心昭德怒曰此石赤心他石盡反  
邪襄州人胡慶以丹漆書龜腹曰天子萬萬年獻之  
昭德以刀刮盡奏請付法太后曰此心亦無惡命釋  
之胡氏曰以文而觀昭德為武后深計以安其位也  
以情而觀謫去承嗣所以剪其翼也此謀慮之善者  
也諸武雖並列朝廷而不預政事其氣馭亦少損矣

集覽

矍然矍厥縛反  
左右驚顧貌

質實

襄州注見漢獻  
帝建安十二年

周流其御史嚴善思於驩州

太后自垂拱以來任用酷吏先誅唐宗戚數百人次  
及大臣數百家其刺史郎將以下不可勝數每除一  
官戶婢竊相謂曰鬼朴又來矣不旬月輒遭掩捕族  
誅監察御史嚴善思公直敢言時告密者不可勝數  
太后亦厭其煩命善思按問引虛伏罪者八百五十  
餘人羅織之黨為之不振乃相與構善思坐流驩州  
太后知其枉尋復召之補闕朱敬則上疏曰李斯相  
秦用刻薄變詐以屠諸侯不知易之以寬和卒至土  
崩此不知變之禍也漢高祖定天下陸賈叔孫通說  
之以禮義傳世十二此知變之善也自文明草昧天  
地屯蒙三叔流言四凶構難不設鈎距無以應天順  
人不切刑名不可摧姦息暴故開告端以禁異議然  
急趨無善迹促柱少和聲向時之妙策乃當今之芻  
狗也伏願覽秦漢之得失考時事之合宜室羅織之  
源掃朋黨之迹使天下蒼生坦然大悅豈不樂哉太  
后善之賜帛三百段侍御史周矩上疏曰推劾之吏

皆相矜以虐泥耳籠頭枷研楔較摺膺籤爪懸髮薰  
耳人非木石苟求賒死臣竊聽輿議皆稱天下太平  
何苦須反豈被告者盡是英雄欲求帝王邪但不勝  
楚毒而自誣耳周用仁而昌泰用刑而亡願陛下緩  
刑用仁天下幸甚太后頗采其言制獄稍哀胡氏曰  
凡說人以善而不深得其為惡之本情則情不可格  
而善無自入武氏猜阻辯詐豈易諫哉而李昭德朱  
敬則變其所難如反手之易得其情故也苟直曰承  
嗣不可相制獄不可用

集覽

告密顏師古曰告密者  
是以水沃石而已矣

如今告訐之類文明草昧文明睿宗年號草昧注見  
太宗貞觀十三年天地屯蒙易序卦曰有天地然後  
萬物生焉盈天地之間者唯萬物故受之以屯屯者  
盈也屯者物之始生也物生必蒙故受之以蒙蒙者  
蒙也物之穉也解云屯乃物初生之時也物生之初  
蒙昧而穉弱三叔流言書金縢武王既喪管叔及其

群弟乃流言於國曰公將不利於孺子蔡氏傳曰管叔名鮮武王弟周公兄也羣弟蔡叔度霍叔處也流言無根之言如水之流自彼而至此也孺子成王也商人兄死弟立者多武王崩成王幼周公攝政故武庚管蔡流言於國以危懼成王而動搖周公也史氏言管叔及其群弟而不及武庚者所以深著三叔之罪四凶構難四凶共工驩兜三苗鯀構難猶言架禍也蔡氏書傳曰共工官名驩兜臣名三苗國名鯀崇伯名左傳四凶之名與此不同說者以窮奇為共工渾敦為驩兜饕餮為三苗檮杌為鯀未詳是否左傳曰昔帝鴻氏有不才子謂之渾敦少皞氏有不才子謂之窮奇顓頊氏有不才子謂之檮杌此三族也世濟其凶堯不能去緡雲氏有不才子子天下之民以比三凶謂之饕餮舜臣堯流四凶族鉤距注見漢宣帝本始三年促柱少和聲侯董第賦曰急絃促柱變調改曲卑殺纖妙微聲繁縟當今之芻狗言向時妙策



今不可用也莊子天運篇師金曰夫芻狗之未陳也  
盛以篋衍巾以文繡尸祝齋戒以將之及其已陳也  
行者踐其首脊蘇者取而爨之而已林希逸口義曰  
芻草也結草為狗形以解厭也祭時所用已則棄之  
泥耳以物蒙因耳籠頭作鐵籠以轂囚首枷斫項  
械也研礪也楔轂楔先結反攖也於籠頭之上加以  
攖楔必至腦裂而死轂黑角反急速也攖音尖摺膺  
摺與拉通落合反摧也膺胸也唐書酷吏傳作拉脇  
公羊傳莊元年摺幹而殺之注摺與拉通幹膺也  
爪籤干廉反銳也貫也爪手足甲也薰耳耳字疑刊  
誤以上文有泥耳此必是薰目及檢唐書酷吏傳果  
作薰目然古有薰耳之說漢書呂皇后斷戚夫人手  
足去眼薰耳顏師古注薰許云反以藥薰其耳令其聾也賒死人謂遲緩為賒正誤言四凶  
構難今按三叔流言如嗣聖五年琅邪王冲等舉兵  
匡復之類四凶構難如嗣聖元年英公李敬業起兵

揚州質實

羅織注見景龍元年驪州注見隋煬帝大業元年李斯楚人學於荀子尤善篆隸以

六國無可建功者乃西入秦秦王政善之拜客卿尋為廷尉極其苛刻相始皇滅六國焚書坑儒天下怨之及帝崩與趙高矯詔殺扶蘇立胡亥後為高所譖腰斬咸陽陸賈楚人有口辯從漢高帝定天下使南越拜尉佗為王稱臣奉漢約高祖大悅拜賈為太中大夫時稱說詩書著書十二篇以好時地善因家焉叔孫通薛人仕秦為博士漢高祖時起朝儀采古禮與秦儀雜就之始用於長樂宮自諸侯王以下莫不震肅帝曰吾今日乃知為皇帝之貴拜通為太常卿賜金五百斤徙太子太傅刑名注見漢景帝元年

九月周更以九月為社○冬十月周遣兵擊吐蕃取四

鎮

初王孝傑從劉審禮擊吐蕃與審禮皆沒於吐蕃後  
竟得歸由是知吐蕃虛實會西州都督唐休璟請復  
取龜茲于闐疎勒碎葉四鎮敕以孝傑及阿史那忠  
節將兵擊破吐蕃復取四鎮置安西都護於龜茲發  
兵戍  
質實  
西州注見齊明帝  
建武四年高昌

### 周武氏殺豫王妃劉氏

戶婢團兒為太后所寵信有憾於皇嗣乃譖皇嗣妃  
劉氏及德妃竇氏為厭呪太后殺之瘞於宮中莫知  
所在德妃父孝謹為潤州刺史有奴妄為妖異以恐  
妃母龐氏因請夜祠禱而發其事監察御史薛季昶  
按之以為當斬其子希瑊詣侍御史徐有功訟冤有  
功論之以為無罪季昶奏有功阿黨惡逆罪當絞令  
史以白有功有功嘆曰豈我獨死諸人永不死邪既  
食掩扉熟寢太后召有功謂曰卿比按獄失出何多

對曰失出人臣之小過好生聖人之大德

集覽

厭上

太后默然由是龐氏得減死有功亦除名

聲襍也又音益陟反鎮也呪詛也失出失於出人之罪

書法

豫王妃何武氏之婦也革命以來所殺恒書周殺殺婦耳斥武氏何武氏殺人多矣自張

虔最格輔元岑長倩歐陽通李安靜輩皆托罪而公殺之故書周妃死宮中莫知所瘞獨斥武氏者罪不繫於周來也其旨深矣

# 周制宰相撰時政記月送史館

時政記自此始從姚璹之請也胡氏曰唐制宰相脩史固非善法然記注之官不廢則猶可考實今直使宰相撰時政記月送史館則偽美而易惡假善而蓋非實事不必書書事不必實而不復可信矣况武后

行事污蟣冊牘姚瑋為之隱揜故建是議耳然世未嘗無公道亦未嘗無能言之士一時之史雖不記天下人固記之矣不力為善而惟人是防將見不可勝防而終莫之禦也

集覽

記注兼書善惡之史

冊汙蟣汙烏故反穢也

質實

姚瑋京兆

蟣莫結

反說文塗染也

質實

萬年人

書法

特筆也書曰送史館則史官所記一受成於宰相矣是得為信史乎書譏之也此書撰時

政記憲書撰日

歷同一轍矣

癸巳十年

周武氏長壽二年

春正月帝在房州○周以婁師德同

平章事

師德寬厚清慎犯而不校與李昭德俱入朝師德體肥行緩昭德罵曰田舍夫師德徐笑曰師德不為田

舍夫誰當為之其弟除代州刺史將行師德謂曰吾兄弟榮寵過盛人所疾也將何以自免弟曰自今雖有人唾某面某拭之而已庶不為兄憂師德愀然曰此所以為吾憂也人唾汝面怒汝也而汝拭之則逆其意而重其怒矣夫唾不拭自乾當笑而受之耳

集覽

愀然愀七小反容色變也禮記曰愀然作

色

質實

代州注見秦王政三年雁門

# 周殺其尚方監裴匪躬

匪躬坐私謁皇嗣腰斬於市自是公卿以下皆不得見又有告皇嗣潛有異謀者太后命來俊臣鞠其左右左右不勝楚毒皆欲自誣太常工人安金藏大呼曰請剖心以明皇嗣不反即引佩刀自剖其胸五臟皆出太后聞之令舉入宮使醫內五臟以桑皮線縫之傳以藥經宿始蘇太后親臨視之嘆曰吾有子不

能自明使汝至此即命俊  
臣停推睿宗由是得免

### 三月周殺其侍御史侯思止

時禁人間錦思止私蓄之  
李昭德按之杖殺於朝堂

### 周以萬國俊為侍御史

或告嶺南流人謀反太后遣司刑評事萬國俊就按  
之國俊至廣州一朝殺三百餘人還奏因言諸道流  
人亦疑有如此者太后喜擢國俊為侍御史更遣使  
詣諸道按殺數千人既而頗知其濫制未死者皆釋  
之國俊等亦  
相繼貶死  
質實  
廣州注見秦始皇  
三十三年南海

### 夏五月棣州河溢質實

棣州注見宋明帝  
泰始三年樂陵

流二千  
餘家

秋九月朔日食質實

日食注見新莽天鳳元年

○周武氏自號金輪

聖神皇帝

作七寶金輪  
置之殿庭

發明

綱目褒貶予奪立法甚嚴固非他史之比至於亂世之事亦不盡畧如王莽之紛紜制作

武氏之淫名越號皆書于冊一以見紀實之意一以著姦偽之迹也

突厥可汗骨篤祿死

子幼弟  
默啜立



甲午十一年

周武氏延載元年

春正月帝在房州○周以婁師德

為河源等軍檢校營田大使○三月周以僧懷義為朔

方道大總管討默啜考異

討當作擊

考證

討當作擊

質實

朔方道注見漢

武帝元

朔元年

懷義未行虜退而止長史李昭德嘗與懷義議事失其旨懷義捷之

書法

書討何重辭也於是命領十八將軍以蘇李二相為之長史司馬事任重矣而以一僧總

之果其人乎綱目重其辭所以病太后也

夏五月周武氏加越古之號

書法

凡加號不書所號恒也此其書何譏非名也  
前書金輪此書越古後書慈氏書天冊皆譏

其非

名也

○秋八月周以杜景儉同平章事

太后出梨花一枝以示宰相宰相皆以為瑞杜景儉  
獨曰今草木黃落而此更發榮陰陽不時咎在臣等  
因拜謝太后曰卿真宰相也胡氏曰卉木有小華於  
秋冬之交者非瑞也亦非異也景儉失之矣必以梨  
不應花而花為陰陽失時孰與婦人不應帝而帝之  
為天地易位乎幸能正言曷若盡言而淺言之姑以  
盜世俗之小集覽卉木卉許貴反草木之總  
名何足稱也名也詩出車篇卉木萋萋

周鑄天樞

武三思請鑄銅鐵為天樞刻太后功德立於  
**集覽**天

端門之外銅鐵不足賦民間農器以足之

其制若柱高一百五尺鐵山為之趾周百  
七十尺每二丈無慮用銅鐵二百萬斤

九月朔日食○周貶來俊臣為同州參軍流王弘義於

瓊州質實

同州注見玄宗開元十一年瓊  
州注見漢武帝元鼎六年珠崖

弘義詐稱追還至漢北侍御  
**集覽**漢北漢水之北注  
史胡元禮遇之按驗殺之  
見漢獻帝建安十

年二

周貶其內史李昭德為南賓尉

昭德恃太后委遇頗專權使氣人多疾之前魯王參  
軍丘悅上疏攻之曰陛下委任昭德而昭德揚露專

擅顯示於人歸美引愆義不如此權重一  
去牧之極難太后由是惡之貶為南賓尉質實南賓按一  
統志隋之縣名屬欽州本漢合浦郡地唐初因之後  
改為靈山縣宋初廢遵化欽江內亭三縣入焉後徙  
欽州治此元徙州治安遠縣以靈  
山屬焉本朝因之改屬廉州府

### 書法

自書南昌尉梅福是後未有書者至是復見  
終綱目書尉十四多貶逐者也李昭德南賓

吉頊安國魏元忠高要又務川孫子平都城王同  
慶賴王昱高要韋陟桂嶺薛邑連山羊士諤臨化  
楊憑臨賀丁柔立南陽唯南昌尉梅福  
以上書書華陽尉張士喬以諫死書

## 冬十一月周武氏加慈氏之號○周明堂火

太后命懷義作天堂日役萬人費以億計府藏為空  
懷義所度力士為僧者滿千人侍御史周矩疑有姦

謀固請按之太后命流其黨懷義不問又命殺牛取  
血畫大像首高二百尺云懷義刺膝血為之張於天  
津橋南時御醫沈南璆亦得幸於太后懷義心慍乃  
密燒天堂延及明堂皆盡風裂血像為數百段太后  
諱之但云工徒誤燒庥主所致時方酺宴拾遺劉承  
慶請輟朝停酺以答天譴太后將從之姚璹曰明堂  
布政之所非宗廟也不應自貶損乃止命更造明堂  
天堂仍以懷義充使又鑄銅為九州鼎及十二神皆  
高一丈各置其方懷義內不自安言多不順太后陰  
使人毆殺之以明堂火制求直言劉承慶上疏請罷  
所營佛舍獲嘉主簿劉知幾表陳四事曰今六合清  
晏而赦令不息近或一年再降使無賴不仁之輩指  
期天澤至罪將斷決竊行貨賄求致稽延咸冀釋免  
為善者不預恩光作惡者獨承徽幸一也海內具僚  
每歲逢赦必賜階勲至於緋服衆於青衣象板多於  
木笏二也取士太廣宜加沙汰三也牧伯遷代太速

既懷苟且之謀何暇循良之政四也是時官爵易得而法網嚴峻故人競為趨進而多陷刑戮知幾乃著思慎賦以刺集覽

見隋恭帝侗皇泰二年

正誤集覽

時見志焉

集覽

無註○今按太后作明堂既成命僧懷義作夾紵大像其小指中猶容十數人於明堂北構天堂以貯之胡三省註紵直呂反蘇屬今人謂之紵麻夾紵者以紵麻夾縫為大象所謂麻主是也質實天

橋注見隋煬帝大業十三年劉知幾彭城人

藏器之子六合注見梁簡文帝大寶元年

乙未

十二年

周武氏天冊萬歲元年

春正月帝在房州○二月朔日

食○夏四月周天樞成

高一百五尺徑十二尺武三思為文太后自書其榜曰大周萬國頌德天樞

書法

書鑄書成譏勞民也於是賦銅鐵不足取農器足之凡書作書成久辭也

秋七月吐蕃寇臨洮周遣兵討之考異

討當考證討當作擊

質實

臨洮郡名注見高祖武德六年洮州

書法

吐蕃前再書擊兵端自我也於是入寇故以討書之

○九月周武氏自號天冊金輪大聖皇帝○冬十月突厥默啜遣使請降

書法

不書周何不以周故書請也

○十二月周武氏封嵩山禪少室集覽

封嵩山中嶽嵩高山在潁川

陽城縣禹貢為外方蔡氏書傳曰地志潁川嵩高縣有  
嵩高山古文以為外方山在今西京登封縣括地志云  
嵩高山一名太室山在陽城西北二十三里封注見秦  
始皇二十八年禪少室山括地志云潁川陽城縣嵩高之  
東為太室山西為少室山山有石室  
故名焉禪注見秦始皇二十八年  
登封縣北一十里五嶽之中嶽也其山三尖峰東曰太  
室西曰少室嵩其總名謂之室者以其下各有石室中  
嶽居四方之中而高故名嵩高山詩曰嵩高維嶽是也  
上有中嶽廟漢武帝至中嶽獲駘廬見夏后啓母石翼  
日親登嵩高吏卒咸聞呼萬歲者三乃令祠官加贈太  
室祠置奉邑名曰嵩高唐武后改山為神嶽少室山名  
注同  
見上

# 書法

書譏也封泰山非也高宗乾封元年封嵩山  
蓋非也是年其後又有請封西嶽者矣玄宗



天寶

九載

# ○周安平王武攸緒棄官隱嵩山

千牛衛將軍安平王武攸緒少有志行恬澹寡欲求  
棄官隱於嵩山之陽太后疑其詐許之以觀其所為  
攸緒遂優遊巖壑冬居茅椒夏居石室太后所賜服  
器皆置不用買田使奴耕種與民無異胡氏曰武攸  
緒舍爵辭官安於巖壑而使后不之疑其智足嘉矣  
武氏量雖非宏而識濶達覘其所為無偽飾者遂以  
取信由是論之當時奇才高識不能自晦而立乎其  
朝者深可惜矣夫下惠伯夷雖俱稱百世之師然自  
附於展禽而失之則將有偷合苟容之行自附於伯  
夷而不至猶不失為守道潔身之人然下惠亦豈易  
為邪直道事人不以三公易其介夫  
豈苟於一官而求容悅於其君乎  
集覽茅椒茅山  
之椒也廣

韻注椒山巔也楚辭菊流芳於山椒又漢書釋輿馬  
於山椒並注山頂曰椒椒通作噍自附於展禽附比  
附也展禽即柳下惠春秋魯公族展氏也名喜字禽  
柳下食邑諡曰惠仕僖公為士師三黜不去孟子曰  
柳下惠不羞汙君不卑小官此下文所謂將有偷合  
苟容之行也自附於伯夷伯夷殷紂時孤竹君之長  
子父欲立幼子叔齊及父卒叔齊讓伯夷伯夷曰父  
命也遂逃去叔齊亦逃國人立其中子於是夷齊聞  
西伯善養老盍往歸焉及至西伯卒武王載木主號  
為文王東伐紂夷齊叩馬諫曰父死不葬爰及干戈  
可謂孝乎以臣弑君可謂仁乎武王已平殷亂夷齊  
耻之義不食周粟隱於首陽山采薇而食之及餓且  
死作歌其辭曰登彼西山兮采其薇矣以暴易暴兮  
不知其非矣神農虞夏忽焉沒兮我安適歸矣吁嗟  
徂兮命之哀矣遂餓死焉此下文所謂不失為守道  
潔身之人也不以三公易其介注見梁武帝太清二

年

正誤

茅椒今按茅山在江東句容縣界武攸緒隱於嵩山何緣冬居茅山胡三省通鑑注茅椒

編之為室性

質實

千牛衛注見隋煬帝大業十三年

暖可以禦寒

安

平縣名注見漢後主景耀三年

書法

書隱何美之也諸武方為天派而攸緒獨能恬澹遠禍其高人數等矣故特具官書隱綱

目書

棄官二武攸緒劉總

而書棄官隱者一而已

發明

東漢鄧后臨朝鄧康免官就國綱目猶書而予之况棄官歸隱者乎武攸緒於是高人一

等矣宜乎書

法之深予也

而十三年

周武氏萬歲  
由通天元年

春正月帝在房州○周遣婁師

德等擊吐蕃大敗○周新明堂成

高二百九十四尺方三百尺  
規模率小於舊號曰通天宮

# 夏五月契丹寇營州周遣兵擊之大敗

營州契丹松漠都督李盡忠及其妻兄媯誠州刺史  
孫萬榮反破營州獲俘數百囚之地牢聞大兵將至  
使守牢雷給之曰吾輩家屬饑寒不能自存唯俟官  
軍至即降耳既而契丹引出其俘飼以糠粥慰勞之  
曰吾養汝則無食殺汝又不忍今縱汝去遂釋之俘  
至幽州具言其狀諸軍聞之爭欲先入將軍曹仁師  
麻仁節等棄步卒將騎兵輕進契丹設伏橫擊之集  
飛索以縋仁節生獲之將卒死填山谷鮮有脫者  
覽使守牢雷給之雷息入反即白雷蠻守地牢之  
人也契丹使此雷以下文之語給誑繫牢之囚  
云飛索以縋韻會注縋音榻以索胃物也質實營  
胃局縣反綰也契丹將李楷固善用縋索州

注見晉武帝太康二年契丹東方國名注見晉安帝  
義熙二年誠州按一統志本秦之黔中郡地漢初屬  
武陵郡武帝時屬牂牁郡唐為溪峒誠州五代時湖  
南馬希範有其地後周時楊正巖以十洞稱徽誠二  
州宋太平興國中其酋長楊通蘊內附熙寧中收復  
元豐中仍為誠州移治渠陽縣元祐初改渠陽軍尋  
廢為寨屬沅州後復置誠州崇寧初改為靖州隸荆  
湖北路元陞為靖州路後降為州屬辰州路本朝初  
陞靖州府尋復為州以附郭永平縣省入  
直隸湖廣道幽州注見高祖武德四年

# 秋九月周免囚奴遣武攸宜將之以伐契丹

陳子昂為總管武攸宜府參謀上疏曰制免天下  
罪人及募諸色奴充兵討擊契丹此乃捷急之計  
非天子之兵况當今天下忠臣勇士萬分未用其  
一契丹小孽假命待誅何勞免罪贖奴損國大體

書法

武氏佳兵有之矣未嘗有事契丹也於是入冠營州再執唐帥則橐不在我故以伐書而攸宜竟不敢進其失甚矣故武懿宗復書擊

# 突厥寇涼州執都督許欽明

時欽明兄欽寂為討擊副使與契丹戰亦被擒敵將圍安東令欽寂說其屬城未下者欽寂謂城中曰狂賊天殃滅在朝夕公但勵兵謹守以全忠節敵殺之其後默毀冠靈州以欽明自隨欽明至城下大呼求美醬梁米及墨意欲城中選良將引集覽靈州縣名精兵夜襲敵營而城中無諭其意者漢惠帝四年置屬北地郡顏師古曰水中可居者曰洲此縣在河之洲隨水高下未嘗淪沒故名靈州韻會注漢北

地後魏武帝置靈州取靈武縣名

**質實**

涼州注見漢光武建武十年武威安東鎮名注見漢武帝

元封二年靈州注見太宗貞觀二十年

**書法**

欽明周所命也何以不書周全欽明也凡執善辭也力屈而被執耳欽明執至靈州城下

猶作隱語使襲敵營則亦志節之士也綱目不書周不以周之臣累欽明也

**吐蕃遣使請和**

吐蕃遣使請和親太后遣武衛參軍郭元振往察其宜吐蕃將論欽陵請罷安西四鎮戍兵并求分十姓突厥之地元振曰所請如此豈非有兼并之志乎欽陵曰吐蕃苟貪土地欲為邊患則東侵甘涼豈肯規利於萬里之外耶乃遣使者隨元振入請之朝廷疑未決元振以為此乃利害之機誠不可輕舉措也今

若直拒其善意則為邊患必深宜以計緩之使其和  
望未絕則善矣彼四鎮十姓吐蕃之所甚欲也而青  
海吐谷渾亦中國之要地也今報之宜曰四鎮十姓  
之地本無用於中國所以遣兵戍之欲以鎮撫西域  
分吐蕃之勢使不得併力東侵也今若果無東侵之  
志當歸我吐谷渾諸部及青海故地則五俟斤部亦  
當以歸吐蕃如此則足以塞欽陵之口而亦未與之  
絕也若欽陵小有乖違則曲在彼矣且四鎮十姓款  
附歲久今割而棄之恐傷諸國之心非所以御四夷  
也太后從之元振又言吐蕃百姓疲於徭戍早願和  
親欽陵利於統兵不欲歸款若國家歲發和使而欽  
陵常不從命則彼國之人怨欽陵日深望國恩日甚  
斯亦疑間之漸可使其上下猜阻禍亂集覽十姓突  
內興矣太后深然之元振名震以字行  
突厥分其國為十部各賜一箭謂之十箭又分左右  
廂通謂之十姓事在太宗貞觀十二年吐谷渾注見



晉元帝建武元年侯斤突厥部酋長之稱也侯渠之反

**質實**

郭元振魏州貴鄉人安西四鎮注見

高宗永淳元年兼并注見德宗貞元十年甘涼二州名甘注見晉安帝隆安元年張掖涼注同前青海注見高宗儀鳳三年吐谷渾西羌種名注見晉元帝建武元年西域國名注見漢哀帝元壽二年

**書法**

不書周何不以周故書請也終綱目書請和四  
是年睿宗景雲二年代宗永泰元年憲宗

元和四年求和二  
中宗嗣聖十九年玄宗開元九年

冬十月契丹陷冀州周以狄仁傑為魏州刺史

契丹李盡忠死孫萬榮代領其眾突厥默啜乘間襲沙漠廬盡忠萬榮妻子而去萬榮收合餘眾攻陷冀州又攻瀛州河北震動制起狄仁傑為魏州刺史前刺史畏契丹猝至悉驅百姓入城繕守備仁傑至悉

遣還農百

質實

沙漠注見漢獻帝建安十五年冀州注見漢

帝立更始二年河間魏州注見漢成帝綏和二年魏郡

周以姚元崇爲夏官侍郎質實

姚元崇陝州峽石人懿之子

時契丹入寇軍書填委夏官郎中姚元崇剖析如流皆有條理太后奇之擢爲夏官侍郎

周以徐有功爲殿中侍御史

太后思徐有功用法平恕擢拜左臺殿中侍御史遠近聞者無不相賀宗城潘好禮著論稱有功蹈道依仁固守誠節不以貴賤死生易其操履設客問曰徐公於今誰與爲比主人曰四海至廣人物至多或匿迹韜光僕不敢誣若所聞見則一人而已當於古人中求之客曰何如張釋之主人曰釋之所行者甚易

徐公所行者甚難難易之間優劣見矣張公逢漢文之時天下無事守法而已豈不易哉徐公逢革命之秋屬惟新之運人主有疑於上酷吏恣虐於下而徐公守死善道深相明白幾陷囹圄數掛網羅豈不難哉客曰使為司刑卿乃得展其才矣主人曰吾子徒見徐公用法平允謂可置司刑僕覩其人方寸之地何所不容若其用之何事

**集覽**

宗城潘好禮古洺州有宗城縣據唐書潘

好禮貝州人案古洺州即今廣平府貝州即今恩州亦隸廣平路疑宗城即貝州更當考之或作鹿城主

簿潘質實

宗城縣名注見漢獻帝興平元年廣宗張

好禮

釋之

南陽堵陽人以質為騎郎十年不得

調後拜廷尉惟務持平語曰張釋之為廷尉天下無冤民景帝時出為淮南王相囹圄獄名風俗通云夏曰夏臺商曰羑里周曰囹圄爾雅云囹圄也囹圄也領錄囚徒禁禦也

十一月周殺其冀州刺史劉思禮等三十六家流其親

屬千餘人

明堂尉吉頊以冀州刺史劉思禮謀反告來俊臣使  
上變告之太后使河內王武懿宗推之懿宗令思禮  
廣引朝士許免其死於是思禮引平章事李元素孫  
元亨等凡三十六家皆海內名士咸族誅之親舊連  
坐流竄者千餘人俊臣由是復用而頊亦以此得進  
懿宗數鞠獄喜誣陷人時人以為周來之亞俊臣黨  
人羅告司刑府史樊恚謀反誅之恚子訟寃於朝堂  
無敢理者乃援刀剗其腹秋官侍郎劉如璿見之竊  
嘆俊臣奏如璿黨惡逆下集覽尉吉頊尉官名也吉  
獄處以絞刑制流懷州項其姓名樊恚姓名  
恚音渠質實吉頊洛州河南人冀州注見梁簡文帝  
記反質實大寶元年河內縣名注見周赧王五十

三年絞刑事物紀原云絞縊也古者棄市周禮有磔于甸人之說秦曰磔漢文帝二年改曰棄市取刑人于市與衆棄之之義隋謂之絞蓋興于周代矣瀼州注見玄宗開元二十五年

書法

書族誅多矣未有多於此者書三十六家甚武氏也

周以張昌宗為散騎常侍張易之為司衛少卿

昌宗易之年少美姿容太平公主薦之入侍禁中皆得幸於太后常傳朱粉衣錦繡賞賜不可勝紀武承嗣三思懿宗宗楚客晉卿皆候其門庭爭質實禁中執鞭轡謂張易之為五郎昌宗為六郎

宋孝武帝  
太元六年

周以婁師德同平章事

御批資治通鑑綱目卷四十一下

謹案第六頁後五行曹州離狐人刊本狐訛姑據  
李勣傳改


第十五頁前一行宋公子魚之後按公子魚當作  
公子子魚

第二十一頁前七行在汴州陳留東五里按元和  
志故莘城在陳留縣東北三十五里括地志作  
五里疑脫誤又按濟陰之莘陳留之莘俱與今  
東昌之莘無涉此混誤

第二十四頁前六行謂關中隴右按唐地理志分  
天下為十道一曰關內六曰隴右此關中當作  
關內

第三十六頁前三行吳分為營陽郡刊本營訛榮  
據元和志改





總校官庶吉士臣張能照

校對官檢討臣王鍾健

謄錄監生臣沈心醇